



Зума дугъаврицунсса суаллу ва жавабру

Бувкунни мубараксса Рамазан барз. Ва зурул хлакъираву биклу, зума дугъаврил хлакъираву биклу, жул буккултрал чявусса суаллу БикIай. Диндалул элму дурккусса аьлимчув ХIасан-хIажI МухIаммадовул жавабру ришлай буру буккултран кумагран.

7
лаж.



ЧАРЧИ

№10
(2228)

15 МАРТ 2024 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит булкай бивкIессар 1917 ш.
Цунил итабакълан бивкIессар 1991ш.



**ВМЕСТЕ МЫ СИЛА –
ГОЛОСУЕМ ЗА РОССИЮ!**

ЦИК.РФ

Аьрасатнал инсантурайнсса лаизаву

В. ПУТИН: ХIурмат бусса аьрасатлувал! Аьзисса дустал!

Мартрал 15-нний жула шала Мбилятрай тIитинтIиссар бувчIавурттал участокру: байбишинтIиссар шанна кьинилул мутгалий Аьрасатнал Президентнахлу чIурду буллай.

БувчIавуртту гьашину хьанахIиссар мийлчин, мунил чIалачIи дуллалиссар демократиялул паччахIлугьрал агьамми принципрттавацца ца – бувчIавуртту чIумуя-чIумуйн дуллай бушиву. Миннул хIасиллал тIайланмасса асарбиян бантIиссар ялун дучIансса шиннардий билаятрал лябуккулийн.

Ва агьамсса ва хьинну жаваблусса ишри. Мунияту, паччахIлугьрал цIанасса бакIчи хIасаврай, хIакьину зуйн лаизлай ура.

Жула билаятрай властьрал бакIшарашину хьанахIиссар так агьали. Ва хьунмур ихтиярданул хIучча цаьк бувну буссар Конституциялий. Ванил хьунмур

мяьнанугу хьанахIиссар так зу, Аьрасатнал инсантал.

Зун аьркинссар, укунма чIу булаву бакъасса, кьянкьану баян буван зула биялалул ва мурадирттал хIакъираву, цанчирча бувчIавуртту – му ялун нанисса чIумувунсса ша хьанахIиссар.

Даки дарцIуну ура: зун бувчIлай буссар цуксса кьабиьгьасса чIун дуссарив цIана жула билаятрал, цуксса захIматсса вызовру дуссарив жула хьхьичI.

Миннуйн даьгайсса жавабру дулуншиврул, захIматшивуртту духлаган даншиврул, жунма аьркинни ттинияр тихунмайгу лагма лаган ва жуйва даки дарцIуну бикIан.

Жува ттинингу чIалачIи барду пачIу бацIан шайшиву, Аьрасатнал тархьаншивугу, суверенитетту, мяочаншивугу, традициярдугу, тарихугу, культурагу, дуручлай. ХIакьинусса кьини жунма аьркинну бур язи бувгьуну нанисса ххуллия жард кьаучин, жула мурадру бартбигьин.

Мунийн бувну, вай гьантрай чIярусса затру жуйна гьарцан-

найн хьарну дур. ТIайланма чинна: хIакьину бувчIавурттавах гьуртту шаву хьанахIиссар патриотшиврул асарду аьлтту бавуну. Му зат хьинну бувчIлай бур Донбассрал ва Новороссиялул ялапарчитуран, миннал захIматсса таьгарданий чIурду буллуссар референдумрай Аьрасатнал пашиврухлу. Вай гьантрайгу миннал булунтIиссар цала чIурду.

ЧIурду булунтIиссар фронтрайсса жула аьралитуралгу. Миннал, цала чувшиву, виричувшиву ккаккан дуллай, дуручлай бур жула Ватан, гьуртту хьанай бур бувчIавурттавахугу, жунма циньяннан эьратну бацIлай.

Аьзисса дустал! Жува цинья АьчIавумиллатру бусса Аьрасатнал халкьру – ца хьунмасса кулпарту! Жува жула билаятрал кьайгьулий буссару. Мунияту на зухьтавакью буллай ура бувчIавурттайн бучIан ва зува язи увгьусса кандидатнахлу, жула аьзисса Аьрасатнал ялун бучIантIимунихлу чIурду булун.

Ккавказуллал политикалул аьнтIикIа

«Аргументы и Факты – Северный Кавказ» кказитрал Хьан-Анил байрандалун хасну дунни «Краса кавказской политики» тIисса цIанилусса конкурс. Ваний цалчинсса кIану бувгьунни Даьгьусттаннал культуралул министр Зарема Буттаевал.



Конкурсрай гьуртту хьун ва изданиялул язи бувгьуну бия Ухссавнил Ккавказуллал Федерал округрал гьарца региондалиясса кIи-кIива хьамитайпа. Вайннал суратру дирхьуну дия «АиФ Северный Кавказ» сайтрай, шикку бюхьлайгу бия ччимунихлу чIу булун.

«АиФ» кказитрал ва ванил буккултрал чIурду булаврол хIасиллайну ххув хьусса шанма хьамитайпалул-кьуллугьчинал цIарду кIул хьунни мартрал 8-нний: 1-мур кIанай бур Даьгьусттаннал культуралул министр Зарема Буттаева, 2-мур

кIанай – Кьарачай-Чаргаснал кIулшиву дулаврол министр Инна Кравченко, 3-мур кIанай – Даьгьусттаннал Республикалул оьрчIал ихтиярду дуруччаврил уполномоченный Марина Ежова.

Конкурсрай гьуртту хьусса Ухссавнил Ккавказуллал 14 чиновница дьанив Зарема Буттаевахлу булуну бия 8868 чIу (43%), Инна Кравченкохлу – 8601 чIу (42%), Марина Ежовахлу – 1026 чIу (5%).

Кьарачай-Чаргаснал захIматрал ва соьразвитиялул министр Зарема Буттаева, 2-мур

➔ **Ахир. 9 лаж.**

Аьрасатнал Президентнал бувчавурттайн хладур шаврил масъала

Мартрал 13-ний ДР-лүл бакИчи Сергей Меликовлүл дунни Аьрасатнал Президентнал бувчавурттайн хладур шаврил масъала ххалбигъаврин хасъсса батIаву.



ДР-лүл Бувчавурттал комиссиялүл председатель МахIаммад Дибировлүл тIимунийну, бувчавурттал компаниялүл мероприятияртту дуллаи бур 54 территориялүл бувчавурттал комиссиялүл ва 1862 участокрал бувчавурттал комиссиялүл. Бувчавурттал давуртта зий ур 14 азара комиссиялүл член. ЧIурду булайминнал сияхирттай лавсун ур 1,7 млн дагъусттанлу. Шагъурдай ва районнай лавхун бур сайки 400 билбордру, баннерду, растяжкарду, дурну дур цаймигу давуртту. Циняв бувчавурттал комиссияртту дузал бувну бур аьркинлугъирттал.

137 участокрай ишла буллан тIий бур бюллетенну занакьлу байсса комплексру (КОИБ). Видеонаблюденияртту дикIан тIий дур 688 участокрал бувчавурттал комиссиялүл къатраву. ЛивчIми участокирттай дикIантIий дур видеофиксациялүл затру.

Республикалий чIурду булаврил давурттал хьирив бацIантIий бур 6 азарунаха ливчусса ялувбацIулт. Регионалий бувчавурттая буслан ва чичлан хладурну бур 28 СМИ, аккре-

дитациялүл удостоверениеартту буллу бур 117 журналистнал.

Бувчавурттал участокру тIитIин тIий дур мартрал 15-ний 8 ссятраву ва ми зунтIий бур маркIачIаннил ссят 20 хьунцIа. Мукунссава графикрай зунтIий бур комиссияртту мартрал 16-ний ва 17-нийгу.

Бувчавурттал компаниялүл хIасиллу буняласса (легитимсса) шаву мурадрай дузал бувну бур бувчавурттай шийнчIав хьар бакъасса чIурду булаврил жяматрал чулухасса мониторинг.

ДР-лүл Жяматийсса палаталүл гъанулий дузал бувну бур бувчавурттал ялув бацIайсса Жяматийсса штаб. Шикку бур Экспертъурал совет, шивун бувххун бур 15 политологтал, журналистътал, юристътал ва цаймигу пишакартал.

Цалва-цалва муниципалитетирттай бувчавурттайн хладур шаврил хIакъираву бувсуна МахIачкъалалал мэр Юсуп Умавовлүл, Къарабудахкантулал райондалул бакIчи МахIмуд Амираьлиевлүл ва ЦIунтIиял райондалул бакIчи АхIмад ХIамзатовлүл.

Вайннал бусаврийну, вай циняв муниципалитетирттай бувчавурттал участокру аьркинмунил дузал дурну дур.

Бувчавурттал инфраструктуралүл цIу дагъавриясса мюхчаншиврул ва участокирттал жяматийсса мюхчаншиврул хIакъираву махъру лавхуна ДР-лүл Мюхчаншиврул Советрал секретарь МахIаммад Баачиловлүл, регионалүл виваллил иширттал министр Аьбдурашид МахIаммадовлүл, Граждан обороналүл, личIиссава иширттал министр Нариман КазиахIмадовлүл.

Республикалий исполнитель властьрал органнал Аьрасатнал Президентнал бувчавурттайн хладур шаврин хасну дуллалисса давурттая бувсуна Дагъусттаннал премьер-министр Аьбдулмуслим Аьбдулмуслимовлүл. ХIакъину ва ур Оператив штабрал каялувчину. Республикалүл ХIукуматрал Председательнал тIимунийну, цIакъ бувну бур ДР-лүл ХIукуматрал каялувчитурал бигъалагай ва байрандалул кьинирдал дежурствалүл график. Мукунссава графикру цIакъ бувну бур исполнитель властьрал органнавугу.

Махъру лавхуна цайми министртуралгу.

Сергей Меликовлүл бусаврийну, Аьрасатнал Президентнал бувчавуртту хъанахъиссар яла гъанми шиннардил агъамсса политикалүл ишну ца жула билатран бакъасса, шала дунялунгу.

– Бюхъайссар хар-хавар бакъасса тIабиаьтрал ва ягу техноген журалул тагъар хьун. Аьркинссар, мукунсса ишру хьурча, мугълат бакъа миннулсса буллан, – куна премьер-министрнал. Мунияту сакин бувну бур Оператив штаб ва хьхьугу, кьинигу дежурстварду циняв министерстварттай.

**Хладур бувссар
ХI. АьДИЛОВЛУЛ**

Аьрасатнал Президентнал бувчавурттавух гьурттушиву дувара

Мартрал 15-17-ний хьунтIий бур жунма цинявнин агъамсса ва жаваблүвсса иш – Аьрасатнал Федерациялүл Президентнал бувчавуртту.



Ва дур жушава, биляятрал инсантураща, жула паччахIлугърал ялун бучIантIимунийн асар биян бан

бюхъайсса чIун, дуняллул гьунтулу жува лайкьну яхъанансса, жула мурадру буручлансса ва аькьилсса политика дачин дул-

лансса лидер увчIуну. Гьарцаннахъ тавакью буллаи ура, бувчавурттай гьуртту хьияра тIий, зула чIу зуна лайкьну чIалачIисса, жула билатрал агъамсса масъалартту бартбигъин бюхъайсса кандидатнахлу буллу.

ДакIний битияра, зу чIу булаврил мяъна диялсса дуссар, хIасил, ца чIунилгума бюхъайссар асар биян буйан бувчавурттал хIасиллайн. Хьияра жаваблүвсса инсантал, чIалачIи дувара зула гражданишиврул кIулши ва жула Ватандалул ялун бучIантIимунил кьайгъулий бушиву.

Бухъхьияра мартрал 15-17-ний бувчавурттайн ва булара зула чIурду Аьрасатнахлу, ялун бучIантIимунихлу, жула уздансса багъу-бизулухлу!

Р. КЪАРДАШОВ

Дагъусттан Республикалүл Культуралүл профсоюзирттал Дкомитетрал председатель, политикалүл элмурдал доктор Марзижат Буттаевал бувсуни «Память гор» тIисса, аьралитуран кумаг баву мурадрайсса сипталүл хIакъиравусса цила пикри.

Аьралитуран кумаг баву мурадрайсса сипта



Марзижат Буттаева

– ХIакъинүсса кьини хасъсса аьралий операциялий гьуртту хъанахъисса аьралитурал чIарав бацIаву мурадрайсса сиптарду, ххувшаву гъан дуван хьхьичIунмай ласласисса шаттирдур. Жула арсру, ласру, хIатта душругума, куннал кув буручлай, куннал кув мюхчан буллаи, талай бур фашизмалүл мархха бухлаган буллаи. Жува уттинигу тасттикъ бувссар оьсса душман ххит ан бюхъайшиву ва уттигу бантIиссар. ХIакъину, ххувшаву гъан дуллаи,

аьралитурал дакIру дуллаи, шаймур буллаи бур цинявпагу жула агъали, хIатта оьрчIува бур открыткартту, ссайгъатру гъан буллаи, цивпагу чIарав бушиву буллаи.

Аьралитурал сипталийну хIасул дуллалисса «Память гор» организациялүл гуж ва бияла хьунмасса бикIантIиссар. Ва идаралүл, аьралитурал масъалартту шаллу баву бакъассагу, шавурду дирсса аьралитал хьин бансса кумаг буллантIиссар. Идаралүл вакилтурал дуклаки оьрчIашал ва студентъурашал дуллантIиссар патриот зумунүсса насихIатру буллалисса хьунабакъавуртту.

«Память гор» тIисса организация хIасул даву мурадрайсса сипталүлүн авкьуну ур Дагъусттаннал бакIчи Сергей Меликов. Ванал бувсуна республикалүл шагъурду ва районну хIала духхан аьркиншиву ва идаралүл давривух. КИИЦ лавгуна, идара хIасул бувну махъ пикрилий бушиву СВО-лийсса аьралитуран кумаг бавриха зунсса жяматийсса идарарттал Ассоциация сакин дансса, – увкуну Марзижат Буттаевал.

Имара САИДОВА

Цахара дуллалисса аякья асар хъанай бур

Хушрай хасъсса операциялий гьуртту хьун лавгсса, ЦIуссалакрал Райондалул Мажлисрал председателюну ивкIсса Амин Оьмаровлүл бувсуни Дагъусттаннал бакIчи Сергей Меликовлүл кIицI ларгсса программардал хIакъиравусса цала пикри.

– Аьрасатнал Президент Владимир Путиннул Рисалалулу бувсуна «Время героев» тIисса, хасъсса операциялия махъ аьралитуран даву лякъаву ва цIусса пишарду лахъхьин баву мурадрайсса программа душиву. Дагъусттаннал бакIчинал бувсуна республикалүл шагъурдай ва районнай тIитIинтIишиву аьралитуран кумаг буллалисса отделенияртту. Властьрал органнал кумаг буллантIишиву СВО-лүл гьурттучитурал ва миннал кулпатирттал масъалартту дузрайн буккан буллан, ятIа-тIар бакъа бакъа хьусса аьралитал

ххал буллан, операциялия зана хьусса аьралитал давурттал дузал буллан.

Вай отделениярттайн цалацила масъаларттал ялув бучIан бюхъайссар СВО-лүл цинявпагу гьурттучитураша.

Дагъусттаннаясса аьралитал цахара дуллалисса аякьалухлу барчаллагърай бур властьрал органнайн ва укунмасса агъалинайну. Цахара дуллалисса аякьалийну ххишала хъанай бур вайннавугу гихунмай кьянкъану бачинсса гуж-къуват.

Имара САИДОВА

Лаккучув ивтунни ДР-лүл цифралүл лябуккулул министрнал хьиривчувну



Аьбдулмуслим Аьбдулмуслимовлүл Бадруттин МахIаммадов ивтунни Дагъусттаннал цифралүл лябуккулул министрнал хьиривчувну. Мунил хIакъиравусса ХIукумлий ДР-лүл ХIукуматрал Председатель Аьбдулмуслим Аьбдулмуслимовлүл къулбас дурссар мартрал 7-ний.

Ваниннин МахIаммадов зий ивкIссар вава идаралий министрнал кумагчину.

ХI. АьДИЛОВ

«Миллатирттал мазурдийсса журналистика хъхъичуннай дуллан бур»

Ваний гуртту хуна ДР-лул Информациалул ва печатарал агентствалул каялувчи Абдуразакъ Жамалуттинов, Аьрасатнал Журналисттурал союзрал Дагъусттаннал отделениялул хунама Махаммад Ибрагъимов.

– Жула аьмсса мурад Дагъусттаннал журналистика хъхъичуннай шавур, жула хъхъичунсса журналисттурая ва вайннал проектирдая Дагъусттаннал кьатГув, хIатта федерал лагрулийгу кIулну бикIавур, – увкуна депутатнал.

Дагъусттан гьарца аралулу хънахъиссар Аьрасатнал Кьиблалул форпостну, мукуна информациялул мюхчаншиврувугу тIий ур парламентарий.

Журналисттурал буссар канма бувчIачIисса ва чIалачIисса дяьви. Ми талай буссар тIайла бакъасса информация итабакълай, жагьилтал

Ларгсса нюзмардий Р. ХIамзатовлул цIанийсса Национал библиотекалулу хуна Аьрасатнал ПаччахIлугьрал Думалул депутат Султан Хамзаевлул журналисттурачалсса хунабакъаву.



байкьин буллалиминнашал. – Багълай бур хъхъичуннай дуллан жула чIяву миллатирттал мазурдийсса журналистика. ПаччахIлугьрал агьамсса цIусса хаварду миллатирттал мазурдий баян буллалисса журналисттурал даву гужлан дуллан ва мунин кабакъу буллан.

Даххана хъанай дур журналистикалул кьайдарду, амма инсантал личIан аьркинссар цала мукъуйн ва цала чичлачимунийн дакI тIайлану. ЯхI, кьирият, тIайлашиву – вари жула журналистикалул гьану, тIайламунийн лажинну дарцIусса, – ххи бунни депутатнал.

Султан Хамзаевлул барча бунна журналистгал Дагъусттаннал Журналисттурал союз хIасул дурния шиннай 65 шин шавришал.

Зулайхат ТАХАКЪАЕВА

Криминал хаварду

Хъямалачитал бувгъунни

Полициялул дежурная частьрайн аьрзирау увкIун ур Каспийскалиясса 47 шинавусса адамина.

КIул бакъасса инсантал бувхун, хъямала бувну бур ванал квартира. Ларсун дур 45 азарда кьуруш ва телефон.

Полициялул зузалтрал кIул бувну, отделданийн увцуну ур шиччавасса шама инсан. Вайннал бувсун бур, нузкьунтуйн кьутI куну, залуннал нуз тIитIайхту, му цувалу усса бувчIуну, «хъамалу» бувхшиву. Ца залуннашал гьалгъа тIий унува, гайми кIиннал квартиралулу цIухла бивхъушиву. Яла, арцугу, телефонгу ларсун, ливхъшиву. Телефон вайннал эькилрчуну дур, арцу бигъалаган харж дурну дур.

Ва иширал хIакъираву материал дартIун дур.

Марихуана льявкъунни

Каспийскалал полициялул зузалтрал цIухла бивхъуну, шиччавасса оьрмулул 49 шинавусса адаминал кьатлулу льявкъуну бур ххяххан бувсса наркотикру. Экспертизалулу кIул бувну бур вай марихуана бушиву. Марихуана 3 кило ва дачIиннуя ливчусса бур.

Отделданийн увцуну бувкIсса кьатлулу залуннал бувсун бур наркотик цала багъраву ххяххан бушиву ва цала ишла бан ябуллай ивкIшиву.

Ва иширал хIакъираву уголов дело сукку дурну дур.

Мефедрондалулу кьуцурттачал иривунни

МахIачкьалалив Песочная тIисса кIичIираву патруль-данийсса ППСП полкрал зузалтрал цIухла бивхъусса адаминачIа льявкъуну бур мефедрондалулу кьуцуртту (97, 78 гр. дусса).

Ва ур Казаннаясса 20 шинавусса жагьил. Полициялул отделданий жагьилнал бувсун бур наркотикру интернетрайчин лавшиву цала баххан.

Ва иширал хIакъираву сукку дурну дур уголов дело.

ХIадур бувссар Андриана АБДУЛЛАЕВАЛ

Хъаннил байрандалулу хъунин «Дагестан» Этномедиахолдинграл каялувчи Арсен Юсупов хунаавкьунни хасъсса аьралий операциялий гьанмаччами гуртту хънахъисса зузалтрачал, миннахъ Хъаннил байран барча даву мурадрай.

Хасъсса аьралий операциялий гьанмаччами гуртту хънахъисса хъами барча бансса сипта хъинчулий ккарккун, арцуйнуса кумаг бувну бур ДР-лул Халкьуннал Мажлисрал депутат Шамил Оьмаровлул.

Депутатнал ва цала цIания даврил уртактал барча буллай, Арсен Юсуповлул кIинчI лавгуна хасъсса аьралий операциялий гуртту хънахъиминнал гьанмаччами агьамсса кIану бугълай бушиву аьралитурал чIарав бацIавриву.

– Зу хънахъиссару аьралитурал вихшаласса чул бишайсса ттарцIну.

«ХIалалссар зун лавайсса хIурмат»



Ттун кIулли хIакьину зул дакIру рахIатну дакъашиву, аьрай талатисса зула гьанчувнал

къадарданул ялув буруккиттарай, вас-цахлий бушиву. Амма, ссахчIав къабурвугун,

зу буру, зула зува бувгъуну, зий, захIмат буллай. Гьамин, зул ччаврил ва вихшалдарал тайннал дакIурдивун гьавас ва кьуват бутлатиссар, хунадакълакьисса захIматшивурттугу дух дурну, хъхъичунмай, ххувшаврийн хъит тIий бачин. Зун хIалалссар лавайсса хIурмат ва кьимат, – увкуна Арсен Юсуповлул.

– Чъясса мутталай хасъсса аьралий операциягу кьуртал хъуну, жула оьрчIру хунабакълай ккакканнав, – увкуна, Этномедиахолдинграл каялувчинал, депутатнал чулухасса ссайгьатру ва тIутIал кацIругу даврил уртактурал пишкеш буллай.

Зулайхат ТАХАКЪАЕВА

Россельхознадзорданул кьайгъурду

ТIалавшиннардуну къадурурчуну тIий дюь дирхъунни

2024-ку шин дайдирихъуния шийннай Дагъусттаннал Россельхознадзорданул управлениялулу кьулулгъичтурал «Сатурн» ФГИС-рал мониторинг дунни, пестицидру ва агрохимикатру ишла дуллалисса давуртту та ва

цукун дуллау буссарив тIайла бакъа бусласисса субъектру ашкара даву мурадрай. Мониторинграл хIасиллайн бувну, чара бакъасса тIалавшиннардуну къадурурчуну тIий, 254 субъектрай дюь дирхъунни.

Дагъусттаннал Россельхознадзорданул управлениялулу ашкара бувну бур эВСД (электронные ветеринарно-сопроводительные документы) шаллу бавриву тIайладакъашивуртту дурсса кIанттурду.

Февраль зурул 13-нний ветеринар хIакин Д.Г. ХIажиевлул «Меркурий» ФГИС-райчин итадаркьуну дур дахху-ласу дан 850 кг. цукунсса дуссарив къакIулсса продукциялул, я ханхъус ккаккан къадурну, я аьркинсса ветсанэкспертиза къадурну. Ветеринарно-со-

проводительный документру шаллу буллалиний Ветеринариялулу тIалавшиннардуну къадурурчаврил хIакъираву Дагъусттаннал Ветеринариялулу комитетрайн тIайла бувкун бур чагъар.

ХIадур бувссар Андриана АБДУЛЛАЕВАЛ

ХIарамзадатурал бувчIл-хачIиссар цал хъаврин хъусса инсан ялагу хъунтIшиву. Мунияту вай оьвтIий бур хъаврин хъуминначIан бивсса заралданул лахъаву данну тIий. Амма, лахъавугу къадурну, цIунилу зарал бивнал карталия арцу ликлай бур.

ХIарамзадатал оьвтIий бур «Центр финансовой защиты» тIисса ягу цайми дакъасса организациярттал цIания.

Ххал буллай бур интернетраву агьалинал аьрри, яла чичлай бур

КIилчингу хъаврин хъун мабацIару

зарал бивминнал электрон почталлийн, социал сетирдайн чагъарду. Ххишалдаран, инсантал вихшала дишин баншиврул, дуккан дуллау бур интернет-реклама: ляхъан бувсса цIусса хавардал скриншотру ва «заралданул лахъаву дурсса» инсантурачалсса, мийжанугу кьархъусса интервью.

ХIарамзадатал махъ буллай бур фейковый лотореярттаву гуртту хъуну зарал бивминнал

лахъаву дан, налогирттал вычтрал, социал субсидиярттал масъаларттаву кумаг бан. МукIру буллай бур инсантал миннал чIярусса арцу дагълагишиврий. Миннул хъирив бизаншиврул так юридий хIаллихшиннарах багъа булун аьркиншиврий. Хъаврин хъуманал ми дичин карта ишла дайхту, ликлай бур циняв арцу.

Укунсса хIарамзадатурал хъаврин къабаншиврул личIулуну

бикIан аьркинссар.

ШихъчIав бусан къабучIиссар банкрал карталулу реквизитру, хаснува кьютIсса кодру, СМС-рай бувкIсса парольлу, ПИН-кодру. ТIитIин къабучIиссар кIул бакъасса инсантурая дуркIсса сылкарду. Арцу дичин анавар къабувккун, ххуйну пикри буван аьркинссар.

Соцсетирдаву ккаккан къабуну хъинссар зулла телефон-

далул номер, адрес, паспорт. ХIарамзадатурал вай гьарзат зун заралну ишла дан бюхъайссар. Бюхъайссар зул паспортрайн бувну займу ягу кредитру ласун, ягу, телефондалийн оьвтIий, «чIярусса арцу ляхъинсса куц буслай», хъаврин бан.

ЛичIулуну бикIяра интернет-хIарамзадатурал кьатIухъхъун къабириян.

Андриана АБДУЛЛАЕВА

Лакрал райондалия

«Жула мурад аьралитурал чIарав бацIавур»

Лакрал райондалул администрациялий хьунни райондалул бакIчи Юсуп МахIаммадовул активрачалса хьунабакъаву. Ваний гьуртту хьунни Аьрасатнал Виричув НурмаIаммад ХIажимаIаммадовул нину, МахIачкъала шагьрулул 54-мур школаул директор Сапижат Мазаева.



Юсуп МахIаммадовул кIицI лавгуна, яла ларгсса 2023 шин республикалул оьрмулу хушиву экономикалул, культуралул ва политикалул иширттал авадансса. Бувсуна республикалул социал-экономика хьхьичIуннай шавриву Лакрал райондалул хьунмасса захIмат бивхуну бушиву.

ЧIурчIав дуруна райондалул администрациялул яла агьамсса кьулагьас ва аякъа дуллай бушиврий хIакьину хасьсса аьралий операциялий арсру, ласру гьуртту хьанахьимнал кулпатирттан кумагран харж дурну дур 1,5 млн. кьуруширттал.

Сапижат Мазаевал бавтI-миннахь барчаллагь увкуна аьралитурал дуллалисса кьулагьасрахлу.

– ХIакьину жула цинявнал хьхьичIсса агьамсса мурад бур хасьсса аьралий операциялий талатисса аьралитурал чIарав бацIансса. Зул захIматран багьа бакъассар. Жунма багьлай бур ккаккан бан жула шалва билаятрал агьали чачIу бушиву, – увкуна ванил.

Хьунабакъаврий ихтилатру бунна Гьумучиял шяраваллил администрациялул бакIчи Муррад АьбураIимовлул, школаул директор Соня Макъаевал ва цайминнал.

Шиккува ххал бивгуна цаймигу агьамсса масъалартту.

Халкъуннал кьуват – аьралуннащал цачIу бушивур

Халкъуннал кьуват – аьралуннащал цачIу бушиву бивчIлай, Лакрал райондалул идарартту чялишну хIала бухлай бур хасьсса аьралий операциялий талатисса аьралитурал кумаг бур



Гьумучиял детсадрал зузлт ва оьрчIал нину-ппу чачIун хьуну, тIайла бивккуну, бур хасьсса аьралий операциялий талатисса аьралитурал ссайгъат.

«Шардатусса посылка» – укунсса ца дирзун дия ва акциялул.

Детсадрал зузалтрал ва оьрчIал нитихьал чачIу бивну бия, хасьсса рецептрайн бивну, лахьисса чIумуй зия къашайсса «аьрайн гьавккури». Акциялул хIала бивхун, аьралитурал

нацIу-къацIу тIайла дурккун дур Гьумучиял шяравасса Асият Амировалу.

ОьрчIал тIайла дурккун дур аьралитурал гьавас бутансса, цала карунних дурсса суратру, дакIнийхтуну сса махьругу чивчуну.

Акциялул мурад бур хасьсса аьралий операциялий гьуртту хьанахьисса Аьрасатнал аьралитурал чIарав бацIансса, мунийну билаятрал агьалинал цашиву ккаккан дувансса.

Мартрал 6-ний, Хьаннил байрандалуцIун бавхIуну, Лакрал райондалул Магьирлуьгьрал кьатлуву хьунни Кулпатрал шин дайдихлахьисса шадлугь. Яла агьамми хьамал ва байрандалий бия хIакьину Украиннал аьршарай нанисса хасьсса аьралий операциялий арсру, ласру гьуртту хьанахьисса ва чIавусса оьрчIру бусса кулпатру.

ЦIакьсса кулпат – паччахIлугьрал гьанур



Райондалул бакIчи Юсуп МахIаммадовул кIицI лавгуна 2024 шин, Аьрасатнал Президентнал Указрайн бивну, жула билаятрай баян бивну бушиву Кулпатрал шинну. Ва сипта хьинчулий ккарккун душиву жула республикалий, кулпат паччахIлугьрал ва жяматрал яла цIакьмур гьануну хьанай бушиврийн бивну.

– Гьарца шин жула билаятрай, Президентнал хIукмулийн бивну, хас дувай цумур-дунугу ца темалун. Уттинин баян бив-

ну диркIсса шиннава кIилчин тикрал дунни так Кулпатрал шин.

Аьрасатнал тарих лявхьуния шийнай тачIав кьадиркIссар кулпатрах хIакьину куннасса кьулагьас. Жула Президент ляличIисса кьулагьас дуллай ур кулпатрах. ЦIакьсса кулпат – вари оьрмулул багьа бакъасса ххазна.

Кулпат гьарзаманнай бивкI-ссар паччахIлугьрал ва жяматрал ттарцIну. ХIакьину ва залданува шябивкIун бур хасьсса

аьралий операциялий гьуртту хьанахьимнал кулпатру. Барчаллагь зун хьунмасса арсру пухьлуннал чувшиврий тарбия баврихлу», – увкуна Юсуп МахIаммадовул.

Барча дурна бавтIминнахь Кулпатрал шин, хьаннихь барча дурна ялун нанисса байран.

Юсуп МахIаммадовул кIицI лавгуна Кулпатрал шин дайдихлахьисса республикалул шадлугьрай Дагьустаннал бакIчи

Сергей Меликовлул чачIу оьрму бутлай ххюцIалла ва муниха лирчусса шинну хьусса чIавусса оьрчIру бусса кулпатирттаву х кIицI лавгун бивкIшиву Лакрал райондалиясса МахIаммад ва Ххаджат Айгуновхьал кулпатру. Укунсса кулпатирттайри билаят цIакьну бавцIуну бусса, – увкуна Юсуп МахIаммадовул.

Ахирданий Магьирлуьгьрал кьатлул зузалтрал ва Гьумучиял Магьирлуьгьрал школалул оьрчIал ккаккан дуруна концерт.

Жунма кIулсса куцIуй, шиннал лажиндарай 1-мур ЦIувкIуллал шяраватусса ХIажива Маржи Илиясовхьал кулпат цала ужагьрай буллай бур хасьсса аьралий операциялий талатисса аьралитурал тIайла буклансса майлул чирахьру. Вайннал сипта хьинчулий ккарккун, республикалул бакIчи Сергей Меликовлул хIукму бунни ва проектрацIунсса кабакьулун цала республикалий итабакьин акция «Тепло души». Ва акциялул цал ххишалану исват дуллай дур республикалул агьалинал цашиву – хасьсса аьралий операциялий талатисса жула ватанлувтурал аьралий шартIру кьулай даврил ххуллий кабакьу бан хIадурну бушиву.

Укунсса майлул чирахьру талаталтран ссан бучIи лякьинтIиссарив, мунийну ватандалун цукунсса кумаг хьанай буссарив бивчIлай, чялишса гьурттушинна ва акциялул дуллай бур Лакрал райондалул кIулишву дулаврил идарарттугу: зузалт, оьрчIру ва нину-ппу. Акциялий гьуртту хьанахьимнал

ДакIнил гьилишиву аьралитурал ссайгъатран



ччай бур цивппа аьралитурал барчаллагьрай ва дуаьрдай бушиву бусан.

Акциялул лагрулий Гьумучиял детсадрал бивну бур цала шарду чирчусса 45 майлул чирахь.

Шардал школалий учительтурал ва Цалчинминнал ккуран-

далул бивну бур 50 майлул чирахь.

Акция най бур вайми школардайгу.

Шиккува кIицI бан, акциялул хIала бивхун бур «Уздансса цардушру» ккурандалул хьамидушругу. Уттинин вайннал бивну бур 600 майлул чирахь.

Асардащал зана хьунни



Лакрал райондалул «Цалчинминнал» ккурандалул чялишса вакилтал зана хьунни Москвавил ВДНХ-лийсса «Россия» тIисса выставкалия.

Билаятрал тарих ва магьирлуьгь ккаккан дуллалисса выставкалиясса асардугу кIибачIлай, вай бур укунсса мероприятиярттай цивппагу гьуртту хьанансса гьирарай бушиву буслай.

Лажин хIадур дурссар Зулайхат ТАХАКЪАЕВАЛ

Ккуллал райондалия

Байрандалийн хѳинсса бахшиш

Дунияллийцири хѳаннил даКру ххари дувай бахшиширтгал, хѳинсса мукѳурттил, тѳутГал каѳурдил. Хѳаннил байрангу, ялун нанисса Кулпатрал кѳинигу барча дуван Ккуллал райондалул Культуралул ва бигъалагаврил центрданий хѳунни ххаллилсса концерт.



Ва байрандалийн маѳирлугърал зузалт унгу-унгуну хѳадур хѳуну бия – фойе чѳюлу бувну бия тѳутГайну ва суратирттайну, ккаккан дуллаи бия барча бавуртгашалсса, балайрдачалсса видеоролику, волонтертал бия гѳарцагу хѳамитайпалун тѳутГал каѳру буллаи. Хѳаннихъ байран барча дуван бувкѳун бия райондалул хѳунаманал хѳиривчув Анатолий Давдиев, ДР-лул Халкъун-

нал Мажлисрал депутатнал кумагчи Жамиля Махѳаммадова, Хѳаннил советрал председатель Марсижат Рамазанова. Барча бавурттайну кѳуртал хѳуна байрандалул ца бутѳа. Байрандалийн личѳисса аякѳа дурна Украиннавусса хасѳсса аьралий операциалий гѳуртту хѳанахѳисса саллатѳурал ниттихѳах, ссурваврах, хѳанних. Анатолий Давдиевлул ва Жамиля Махѳаммадовал хѳунмасса бар-

чаллагъ баян бувна вайннайн, Ватан ххирану тарбия бувсса арсваврахлу, уссурваврахлу ва ласурваврахлу. Вайннан буллауна конвертру, барча бавуртгашалсса открыткартту, бахшишру ва тѳутИив.

Хѳирив маѳирлугърал зузалтрал дайдирухѳуна аьзизсса ниттихѳан, амуладахѳан, ссурвавран хас бувсса балайрдал программа. Залданувун бавтѳириннал хѳурматрай хѳунабавкъуна артистѳтал.

Ва кѳини лахѳлахѳисса махѳругу, шаллу буллалисса балайрдугу бия хѳаннил хѳурматрансса, вай ххуйшиврул ва хѳиншиврул лишанну бушиву бусласисса. Тѳюнѳасса барча бавуртгал ва цанма хас бувсса балайрдал шиккун бувкѳицири хѳаннил даКру видуѳин дурна чаннасса асардал.

Концерт ярг дурна чѳава артистѳтуралгу. Вай цивпагу Культуралул ва бигъалагаврил центрданул ва Маѳирлугърал кѳатравусса кружокиртгал гѳурттучитал бия.

Байрандалийн хѳадур дурсса концерт хѳинсса бахшишну хѳуна хѳаннин.

Аминат АХѳМАДОВА

Цѳуссалакрал райондалия

Виричувнал ниттичѳан бивунни

Хѳаннил байрандалул кѳини Цѳуссалакрал райондалул баКѳчи Маматѳи Хѳамзатов ва ванал хѳиривчув бивунни Аьрасатнал Виричув Исяев Мутай Закириновичул нину Язимат Ахѳмадовачѳан.



Вай гѳантрай Язиматлун барт лаглай дур 84 шин. Бувсса кѳинигу, Хѳаннил байрангу барча дуллаи, Маматѳи Хѳамзатовул буллауна ванин тѳутГал каѳѳ, арѳуйнусса бахшиш ва чѳа увкуна цѳакѳсса цѳуллушиву.

Райондалул бакѳчинал Язиматлухъ барчаллагъ увкуна Виричувсса арс тарбия аврихлу.

Дакѳинийн увтуна миллатрал кѳучагѳсса арс Мутай Исяев.

1999 шинал хар-хавар бакѳа Цѳуссалакрал райондалийн дунияллул террористѳтурал кѳюкѳри ххярхсса ппурттуву, нигъ кѳакѳулсса, кѳучагѳсса Мутай Исяев кѳачагѳтурайн кѳянкъану данди авѳѳуссар. Укунсса Виртгал жунма абадлий даКѳний личѳантѳиссар.

Лайкѳсса кѳимат

Кулпатрал шинан хас дурсса мероприяитртгал лагрулий Цѳуссалакрал райондалул Кѳулшиву дулаврил управлениялий хѳунни мукѳва ва ххишаласса оьрчѳру бусса, дуккавил ххуллий хѳунмасса захѳмат бивхѳусса педагогтурашалсса хѳунабакѳаву.



Кулпатру буруччаву ва кулпатиртгал рувѳанийшиву кѳадрукѳиматрай думур ядаву мурадрай Аьрасатнал Президентнал гѳашинусса шин Кулпатрал шинну баян бунни.

Хѳунмур оьрму оьрчѳан кѳулшиву ва тарбия дулаврин хас бувсса, республикалул ва региондалул даражалийсса конкурситтай, олимпидарттай хѳѳичѳунсса кѳанттурду бувгѳусса дуклаки оьрчѳру хѳадур бувсса учительтурал захѳматран лайкѳсса кѳимат бишлай, ДР-лул Кѳулшиву дулаврил ва элмулул министрталул чулухасса Барчаллагърал чагъарду буллауни вайннан.

Имара САИДОВА

Мартрал 11-ний Махѳачкъалалив бивунни Аьрасатнал Обороналул министрталул дуллалисса акциялул лагрулийсса «Тѳайлашиврувур бусса гуж» тѳисса цѳанилусса агитациялул поезд.

«Тѳайлашиврувур гуж бусса»



Сапижат Мазаева агитпоездрай

Ваний гѳурттушинна дан бувкѳун бия ДР-лул Хѳукуматрал председателнал хѳиривчув Муслим Телякавов, поездрал хѳунама, контрадмирал Александр Гренкевич, Дагѳусттаннал аьралий комиссар Даитбаг Мустапаев, Аьрасатнал Виричув, СВО-лул гѳурттучи Нурмахѳаммад Хѳажимахѳаммадовул нину, 54-мур школалул директор Сапижат Мазаева, хасѳсса аьралий операциялул гѳурттучи Аьлибаг Къазанбиев, Дагѳусттаннал Ветерантурал советрал председатель Махѳарам Аьлиджанов, региондалул «Юнармиялул» штабрал отделениялул чѳумуйнусса хѳунама Авсет Авсетов, СМѳИ-лул зузалт, ветерантал, аьралитал, «Юнармейцы», личѳиличѳисса идаратртал вакилтал, студентѳтал, дуклаки оьрчѳру, шагърулул агѳлу.

Акция тѳитГлай, махъ лавхѳунаМуслим Телякавовул. Ванал чѳурчѳав дуруна, укунсса батѳавуртгал инсантурал тарих хѳамабитан кѳабитлатишиврий, хасѳсса операциялий хѳусса ишру даКѳинийн бичлай бушиврий ва хѳакѳинусса кѳинигу Украиннаву паракѳатшиву дуллау багълай бушиврий.

Цала ихтилатраву Даитбаг Мустапаевул бувсуна вай проекту халкъуннан дакѳа чара бакѳашиву. Вайннул Дагѳусттаннал агѳлу кѳул буллаллишиву агѳамсса иширтгашал. Биляятрал тарих инсантурал куртѳну кѳулшиврулгу, ватан ххирану ялун нанисса ник тарбия даврилгу, даКѳурдил аваданшиву ва культура ядаврилгу кумаг буллаллишиву лавгмуних тѳайлашиврий бурган. - Жувар аьркинсса буслан жагѳилминнахъ Бутгал кѳанттул цѳанийсса Хѳун дѳявилул ва СВО-лул иширтгата тѳайламур, – увкуна ванал.

Махъ буллауна Сапижат Мазаевахѳунгу: «Жува цинявгу виртгалсса ппухѳлуннал арсру ва душруру, даКѳ дарѳуну бура ваняр тихунмайгу жула биляятрал тарихраву хѳанахѳимургу, жагѳилтурал дуллалисса чувшивурттугу хѳирив нанисса никран эьратну хѳанахѳишиврий. Тѳайлашивруву гуж бусса кунма, ххувшавугу жухлурар дусса», – увкуна ванал.

Шикку ихтилатру бувсса гѳар-

цанналгу кѳишѳ бувна биляятрал ялун бучѳантѳимур хѳирив нанисса жагѳи-жугѳултрайн хѳар хѳанай бушиву, халкъуннал паракѳатшиву дуруччин хѳадурсса виртгал цикссагу бушиву жула дѳянив. Мунинсса барашиннану хѳуна шадлугърал тагъарданий «Юнармиялул» кѳюкѳлувун кѳамул бувсса Махѳачкъалалал 13-мур школалул дуклаки оьрчѳругу. Вайннал хѳарду бувна лажин кѳялану дуклан ва ватандалул мурадру даКѳинийхтуну бартбигълан. Шиккува, ДР-лул региональный штабрал отделениялул хѳукмулийн бувну, республикалул 3 школалул юнармейский отрядиртган АьФ-лул Виртгаврал цѳарду дуллаллишиву баян бувуна: Тарумовкалал – хѳунама лейтенант Махѳаммадов Шамил Нибиюллаговичул, Дагестанские Огни шагърулул 4-мур школалул – капитан Махѳаммадов Исрапил Вагѳовичул, Дарбантулал 24-мур школалул – майор Обраменко Михаил Владимировичул.

Барча бавуртгал хѳирив дайдирухѳуна Аьрасатнал Обороналул министрталул творческий коллективирдал шагърулул агѳулданун хѳадур дурсса концерт. Гѳуртту хѳуна М.В. Фрунзел цѳанийссса Аьрасатнал Центральный домрал армиялул артистѳтал, кѳавтѳаврил ва балайрдал аьралий коллективу, дагѳусттаннал балайчитал ва кѳавтѳаврил ансамбльлу.

Концертрая махъ хѳамаллурангу, халкъуннангу бувна экскурсия. Дукра дукан ччиминнан шиккува бия саллатѳнал кухня.

Поездрал урчѳагу вагондалува ккаккялул бивхѳуну дѳя жула биляятрал тарихраву хѳусса иширтган хас бувсса экспонатру, суратру, аьралий ярагъ. Масалдаран, цикссагу жула виртгал оьрмурдаѳа буллалисса «дронну». Аьралийчув буслий ия вайннуясса нигъачѳаврия, ккаккан бувуна дуклаки оьрчѳан вайннул кумаграйну пѳякъ учин дурсса Украиннал самолетрал бутѳри. Вавмур вагондалува бия саллатѳурал лахху-ликку ва ярагъ, шивува бия «Саллатѳначѳансса чагъар» тѳисса кѳуршив. Дуклаки оьрчѳал гѳирарай чивчун саллатѳурачѳан чагъарду. Вай хѳунссар хасѳсса операциялул гѳурттучитурал бахшишуну. Ххал дан бюхѳлай бия цифровой терминаллай Аьрасатнал Обороналул министрталул уттизаманлул аьралий техника ва цаймигу затру. Гѳарцаннаша бювхѳуна лавгсса тарихрал лахѳардай тамаша буван.

Дакѳинийн бутанну, Аьрасатнал обороналул министрнал хѳукмулийн бувну, Москвауллал Киевский вокзалдания «Тѳайлашиврувур бусса гуж» тѳисса цѳанилусса поезд сукку хѳуну бивкѳишиву февральданул 8-ний, Ватан дуруччул Кѳинилун хасну. Махѳунмай Москвавил Белорусский вокзалданиян ва биян ккаккан бувну бур майрал 8-ний. Поезд Аьрасатнал 67 субъектрайсса муххал ххуллурдай баѳѳан тѳий бур, аьмну дитан тѳий дур 35 азарда км.

Аминат АХѳМАДОВА

Найбунува кици лаганна, та заманнай къакулли, утти-заманнул тарихраву лакрал хъаннил укун лахъа-хъунну Рамазан барз хъунабакълакьисса мажлис къавхъушиву. Хъами цивпалу зума итадакьин ца ссупралухун бавтисса мажлису бувссар, ва даражалий, районная, цайми шагъурдая лакку хъами цачун бавтисса, Рамазан зурул хурмат буллалисса даву цалчинни дуллалисса.

Дайдиху дурна мубаракса Къурандалул аятиртгая. Аятру буккин овькуну бия республикалул азан учаврил конкурсрай ххув хъусса, Стамбуллай дурккусса хлапиз, Ххутиятусса Мухаммаднаби Буттаевлуйн. Мажлис устгарну бачин бувну бия радиожурналист, чу ва гьалгъа магъир баврил тренер, машгъурсса Таиба Асадуллаева. Исламрал диндалул ххуллу цакъну буруччин аьркиншиврия ва му давриву хъаннилмур биялагу агъамсса бушиврия ихтилат бунна Мухаммад Майрановлуйн. Ванал балжину бувсуна, ислам дин цакъ хъанай дачиннин цуну дунияллийн бувксса душру буччайсса бивкшиву ва хасну исламрал хъамитайпалул къимат бюхттулну гъаз бувшиву. Бувсуна мукунма жяматрал оьрмулул иширттаву ху хъами чялишну гуртту хъанай бушиврия, кулпатирттаву инсаншиврул къимат хъьичлунну биклан аьркиншиврия, исламрал килшивуртту куртгу, цакъгу дуларча, оьрчру бийкъусса ххуллийн къабуккантшиврия.

Бавтиссири барча буллай, вава мяъна-мурадрайсса ихтилатру бувна Дагъустаннал Муфтийнал маслихатчи Айна Хамзатовал ва Муфтиятрал просвещениялул хъаннил отделданул хъунмур Ирина Аьлиевалу. Исламрал хъамитайпалул, ниттил гьарца инсаннал оьрмулулу рувханийсса ххуишивуртту аьч дувария бия психолог, «На нинура» клуб хасул бувссса, «Страна гор» радиоллий «Жулва оьрчру» тисса передача дачин дайсса радиожурналист Аьйшат Расуловал (Къурбиттаевал) ихтилат. Ванал ниттихасса цила назмурдугу дурккуна. Мажлисал программа авадансса дия: Анисат Аьбуллатиповал ва Шагъалай Махаммадовал увкуна доххансса нашидру, дурккуна назмурду, дурна викторинарду. Мюршиминнал лакку маз килуну бурив ххал буллалисса викторина

Дин, иман, ислам

Лакку душваврал мажлис



Март зурул мийлчинмур къини Махачкъалалив, «Кегельбан» тисса шадлугъру дай залдануву, хъунни Рамазан зурун хас бувсса лакку хъаннил мажлис. Лакрал райондалул имам Мухаммад Майрановлуйн сипталлийн ва мажлис хладур бувну бия Муфтиятрал просвещениялул Махачкъалаливсса хъаннил отделданул вара просвещениялул Лакрал ва Ккуллал районнайсса отделдал душваврал.

оьрчру чялишну хала буххансса куцуй дурна Махачкъалалал просвещениялул хъаннил отделданый зузисса Эльмира Нуруттиновал. Душваврал ккаккан бувна телефонну багъана хъуну мюнпат бакъа чун гъан дулай бушиврия, муниясса заралдания бусласисса сцена. Чивимур хажлийнсса куну буккавил лахза буххунсса мажлисал ца яла яргмур. Тайлабацуну хъуна Хъусрашатусса Хажисуплул душнин Сулайманова Анитан. Ахирданый дурккуна дуьрдугу. Мажлис къуртал хъуну мукъахсса цаппара душваврал пикрирдугу.

Асият Буттаева:

– На барчаллагърай бура ва даврил сиптачи Мухаммад Майрановлуйнгу, ва даву лавайсса даражалий дуван биялсса захмат бивхъусса душваврайнгу. Дакругу ца дурну, махъгу ца бувну лагма лавгун, ххуйсса даву дунни. Зал бувцуну бия, укун инсантал батин, зал буцин буван, ссупралий къац учинмур дишин личину ка-кумаг бакъа къабигъассар. Вайннал дулла-

лимунил чларав шайкун жувагу бацлаванну. Вай жулва имамтуралгу, душвавралу буллалисса хларачат миллатран барачатну хъуннав, вайннул дуллалисса давурттаягу, жуятувагу Аллагъ рязину личаннав!

Умумкусум Паркъеуева:

– Мажлис жува рязину личансса даражалий лавгунни. Лакрал хъами мудангу гьармуниву хъьичлунсса, итхьявхсса бур, диндалул иширттаву хъьичлунну бивкиссар, жунма хала-гурттуну къуцуну тун аьркинссар жулла ялун нанисса никирал бучантимунил цаний, му къаххуймуния дуруччиншиврул, исламрал тайласса ххуллийн дурган дуваншиврул. Ххари хура жулва Чуртташиял хъамигу чиявусса гуртту шаврия.

Умумжигъан Рамазанова:

– На ттула члахуврайсса, маччасса хъаннишал Шуссакуллату бувкиссияв лакку мазрах мякъну. Мажлису бакрая магърайн бияннин лакку мазрай бувссания хъина, ва цалчин дуллалисса

даву духъувкун, хисавравун ласунссар тий бура. Уттиния тийнмай укунсса мажлису марцуну лакку мазрай буларча хъина, къаьйдувантиссар хъамаллуралгу.

Самрат Горчханова:

– Укун мажлисрайн бувклекун, жунна ялун члалачимур так хасиллур, жула итталумурди. Хладуршиннар къачлалачисса. Миллатирттал лаххиялуву пишпишгу тий, аьчухну жува хъунабакълай бия душру. Хъамаллурал ххаллилсса тугал кацру бия. Викторинарттай хъу хъуми ххари бувансса бахшишу дия. Мюнпатсса информация бусса буклетру, члапив дачлаи бия. Тун килли ва давриха хъунмасса захмат бивхъушиву Лакрал ва Ккуллал районнал просвещениялул хъаннил отделаниялул хъунмур Патима Аьлиевал. Ва ялун нанисса ник исламрал ххуллий цакъну дарцусса шавриву биялсса бутла бихълахисса инсан бур, ванин личиссава барчаллагъри. Барчаллагъри, цалла дакру цуксса къуману духъурчагу, жулла къюкьлуву шябикан бувкисса, СВО-лий жанну къурван дурсса вирттаврал ниттихъайнгу.

Райханат Исмаилова:

– На Самара шагъуралийсса бура, хаварбакъулий кунма багъунна ва мажлисрайнгу. Амма



Анита Сулайманова

караматсса цамур дунияллийн багъсса кунмасса асардасал бувкун най бура ва залданува. Укунсса даражалул мероприятиялий цалчинна хъусса. Тгун хъинну ламус хъунни, ттулла исламрал килшивуртту сайки дурагу дакъашиврия, исламрачлан кунклу хъунни ттул дак. Лак диндалиятну бур тун биклай Самаралийсса диаспора. Биялсса душру бия залданува, зал бувцуну бия. Ва иширалгу дак ххари дунни, нава диндалул инсан бакъахурчагу. Хъулух тиягу-шиягу бавцусса душваврал лаххия ябатин къахъунну ххуйсса дия.

Анита Сулайманова:

– Ттунма чиви хажлийнсса путевкалул куну буккайхту, ххаришиврул буса-учинмур бакъа ливцунав. Хатта ххаришиврул аьтун ччисса иш бия. Гъанавиххи шаврил куну бувксса Сурхайхан тисса оьрчлагу тиккува ххира ан къаиривунни. Та оьрчангу цуллушиву, талих чла тий бура. Ацниясса шинну ттул хажлийн гъан ччай. Дакнийхтуну барчаллагърай бура ва мажлисраха захмат бивхъуцириннайнгу, мажлисрайн бувкцириннайнгу, ттушалва ххари хъуцириннайнгу. Аллагу Таабланал жулла дуьрду къамул даннав, ужагъирттай барачатшиву ликканнав! Ва хлакьинусса мажлисал барачат Лакку билаятрайнгу бияннав! Дяввилул цу лешаннав, циняв чиварк цуллуну-сагъну шаппай зана хъуннав! Я Аллагъ, ва мубараксса Рамазан барзгу барачатрашал ва дакъавришал бувкун лякъиннав!

Махачкъалалив кюрххил чак буван мизитравун занай бивкисса оьрчан 700 велосипед пишкеш дунни.

«Мукъцалва кюрххил чак мизитраву» тисса ва марафондалий гуртту хъуну бур Махачкъалалиясса ва лагма-ялтусса канттаясса 1500 оьрч. Цубутуй Муфтиятрал 100 оьрчан дуллуссия бахшишу, амма къадирими оьрчан асар хъусса хисав хъуну, вайннал хукму бувну бур оьрчру ххари бансса чаран лякъин, спонсортурайн буккан. «Зеленое яблоко» супермаркет, «Азим» фонд ва цаймигу спонсортал хала бувххун, 704 оьрчансса велосипедру машин ларсун дур. Оьрчлайн вай ласун овькуну бур Редукторный поселокрайсса Ися Идавсил (аь.с) Рувханийсса центрданыйн. Велосипедирттал заллугъру хъунсса тайлабацуну хъуну бур Цуминалийсса

Дучиннал оьрчангу — велосипедру



Дучиннал оьрчру

Дучиясса оьрчангу. Вайгу райондалул жагьилтурал ккуррандалул каялуви Минкаил Рамазановлушал бувкун бур Рувханийсса центрданыйн цанна-цаннасса велосипедру ласун. Вай оьрчлахъсса ва вайннал нитти-буттахъсса барчаллагърай, кици дуванну вайннал цлардугу: Оьмаров Камил, Гуйдалаев Сурхай, Хусайнов Султан, Хусайнов Шайх-аьли, Рамазанов Шамсуттин, Рамазанов Амир ва Рамазанов Мухаммад-Аьли. Муфтийнал кумагчи, динчи Идрис Асадуллаевлул кици лавгуна, исламрал ххуллу-ххутгайн кунклу тисса ник тарбия хъанай душиву, жулва бучантимунийнсса вихшала цакъ дуллалисса иш бушиву.

Лажин хладур дурссар Патимат РАМАЗАНОВА

Дин, иман, ислам

Зума дугъаврицунсса суаллу ва жавабру

Бувкунни мубараксса Рамазан барз. Ва зурул хIакъираву бикIу, зума дугъаврил хIакъираву бикIу, жул буккултрал чIявусса суаллу бикIай. Ми суаллахъхун мяълумсса жавабругу дулай аьраб дурккусса, ислам ххуйну кIулсса аьлимтурал, динчитурал, имамтурал. Диндалул элму дурккусса аьлимчув ХIасан-хIажжи МухIаммадовул жавабру ришлай буру буккултран кумагран.

• – Зума щил дугъан аьркинссар?

– Зума дугъан ялувссар бусурмансса, аькьлу бусса, балугъравун увхсса, зума дугъан бюхъайсса инсаннай. Чапурсса, ахIмакьсса, балугъравун къаувхсса, зума дугъан къабюхъайсса инсаннай зума дугъаву ялув дакъассар.

• – Зума дугъансса ният цукун дан аьркинссар?

– Ният хъанахъиссар зума дугъаврил рукуну. Дувайссар ният хъхурайра, маркIачIан чаклил чIун дуркIиния махъ кIюрххицун чаклил чIун дучIаннин. Муниннин ният къадарча, фаризасса зума къамул къашайссар. Суннатсса зума дугълай бухурча, ният дан бучIиссар ахтгайнчаклил чIун дучIаннин, муниннин зума зия шайсса зат дурну дакъахурча. Рамазан зурул дайдихулий давугу хъинссар ният, шалва зуруй зума дугъан куну, яла гьарца кьинилунгу дувайссар. Агана, хъамабивтун, цумур-дунугу ца кьини ният къадарча, му шалва зуруй зума дугъан куну дурсса ният му кьинилунну хIисав шайссар. Гьарца кьинилунсса ният дайссар укун: «На ният дував гъашинусса шинал Рамазан зурул гъунттийсса кьини фаризасса зума дугъан Хъунасса Заннайн», – куну.

• – Къашавай уну ягу хъунав хъуну зума дугъан къабюхъайманал ци бан аьркинссар?

– Хъунав хъуну зума дугъан къабюхъахъисса инсаннай зума дугъангу, му хъирив лахъангу ялув бакъассар. Къашавайсса инсаннайгу зума дугъан ялув бакъассар. Аммаки, хъин хъуну махъ зума хъирив лахъан ялувссар. Хъунав хъуну икIу, къашавай уну икIу, зума дугъан къахъанахъиманал каффаратран гьарца зума къадургъусса кьинилун ца мурд (650 гр.) къалмул дулун ялувссар мискин-гъаривнан.

• – Чак къабайманал зума къаькамулссар ягу мунан зума дугъан къабучIиссар тIугIаву тIайлассарив?

– КъатIайлассар. Зума дугъаву чак баву куннасса исламрал рукну хъанахъиссар. Ми кIиннилвагу цалва-цалва даражагу, чиригу буссар. Чак къабуллалисса инсаннан къабучIиссар чак къабуллай ура куну зумагу къадугълан. Цанчирча, Аллагънал хъхъичI, му кIива бунагърал жаваб дуллан най унутIий: чак къабаврилгу, зума къадугъаврилгу. Бюхъайссар зума дугъагъиманал мунил бара-чатрайну чакмуа буллан.

• – КIюрххил дукра канай унува азандалул чIу баярча, ци бан аьркинссар?

– КIюрххицун чаклийнсса азан – му зума дугъаву дайдихлахъисса чIун хъанахъиссар. Мунити, кIюрххицун дукра канай унува азандалул чIу баярча, дукра дукаву къаритан аьркинссар, къацIливу чичIар духурча, мугу дуккан дурну, къацIгу вилаган



аьркинссар, вивннай цикIуй къагъаншиврул. Му канакисса зат ягу къацIливу лирчIисса зат дюкьарча, зума зия шайссар.

• – Зума ссал зия дайссар?

– Зума зия шайссар инсаннал вив ци-дунугу гьарча, ча гьарчагу (къацIливух, майравух, вичIавух ва м. ц.), ци гьарчагу (къанкъас-са дикIу, хъюмусса дикIу ва м. ц.), адамина ва шарсса цачIун шаврийнугу, къабиллай бунува гужрай кIарчI учаврийнугу.

• – Хъамабивтун, дукра дукарча, зума зия шайссарив?

– Зума дургъусса хъамабивтун ци-дунугу дукарча ягу хIачIарча, зума зия къашайссар. Идавсил (с.аь.с.) хIадисраву бур: «Зума дургъуманал хъамабивтун цикIуй дукарча ягу хIачIарча, зума личIан мадарача. Му Аллагъу Тааьлалли дукагану увсса, хIачIангу увсса» куну.

• – Чурх шюшлай (суннат-сса ягу фаризасса гъуслу буллай) унува вичIавун щин духхарча, зума зия шайссарив?

– Щинавун бахълаганну бакъа (неххавун, хъхъиривун, къуллалувун куна) щин ялтту рутIлай бухурча, чурх шюшавугу фаризасса духурча, вичIавух вив щин лагаврия зума зия къашайссар. Бакбисаву суннатсса духурча, зия шайссар.

• – Мюршисса оьрчIал зума дугъан аьркинссарив?

– Балугъравун къаувхсса оьрчIай зума дугъаву ялув дакъассар. Аммаки, аьдат хъуншиврул, чIивину унува дугъларча, хъинссар. Арулла щин мунан хъувкун, дугъи учин ялувссар нитти-буттай. АцIра щин хъувкун, дугъан ан ялувссар, къадугъарча, танмихI бан ихтияр дуссар нитти-буттахъ.

• – ТаравихI чак ссайн учайссар, мунил цими ракааьт дайссар?

– ТаравихI чак – Рамазан зуруй хъатIан чаклил хъирив байсса суннатсса чакри. Му байс-сар 8 ягу 20 ракааьт дурну, кIи-кIира ракааьт дуллай. Аьли ибн АбуТалиблугу (р.аь.) бувсун бур му чак байманал даражалитугу, мунансса чирилиягу.

• – БучIиссарив чак шаппа

бан ягу чара бакъа мизитравун гъан аьркинссарив?

– Му цалвалу бангу бучIиссар, жамааьтрайгу байссар. Жамааьтрай барча, чире хъунмассар. Мизитраву жамааьтрашал барчарив хъиннува хъунмассар.

• – БучIиссарив хъами таравихIрайн бучIан?

– Агана мизитраву арамура личIину, миннавух хIала къабувхун чак бансса кIану бухурча, бучIиссар хъаннингу таравихI чак мизитраву буван.

• – Зума дургъусса чIумал чире хъуншиврул ялагу ци дурну хъинссар?

– Рамазан зуруй садакъа гьарза баву, Къуръан буккин къацIулнал буккин лахъхъаву, кIулнал чIявуну ккалаккаву хъинссар. Вай эбадатирттахсса чире хаснува чIявусса бикIайс-сар Рамазан зурул махъва-махъсса ацIва гъантлий. Ми гъантрайсса хъхурду уттара давугу хъинссар, жула Идавсил (с.аь.с.) дуллай ивкIсса куццуй.

• – Шарссанишал уттуив-хъуну зума зия дурманай аьчIа цуксарив?

– Агана зума дургъушиву хъамабивтун шарссанишал утту ивхуну зума зия хъурча, мунин каффарат къабудайссар, му хъиривгу къалахъайссар. Къасттирай, зума дургъушивугу дакIний бунува, зия дарчарив, му зумагу хъирив лархъун, каффаратну бикIайссар: 1) ца бакI тархъан битаву; 2) бакI тархъан битан хъанай бакъахурча, кIива зуруй куннил хъирив кув зума дугъаву, ца гъантта лях къакъабивтун; 3) мугу хъанай бакъахурча, 60 мискиннан дукра дулаву.

Зума зия шайссар

1. Дарув хIачIаврийну.
2. Ингалятор, пурх учай спрейдру ишла даврийну.
3. Медициналул свечкарду ишла баврийну.
4. Чурххал шаврийну ва оьрчI бувкун марцI хъанахъаврийну.
5. Гастроскопиялийну (шланг дюкьаврийну).
6. Клизма дуваврийну.
7. КъацIлива мазок ласаврийну.
8. Адамина ва хъамитайна цачIу уттувишаврийну (интимная близость)
9. ВичIавун кIунтIру бутIаврийну.
10. Майравун кIунтIру бутIаврийну.
11. Гужрай кIарчI учаврийну.
12. Къасттирай чIенпи, хъурхъ дюкьаврийну.
13. Хъамитайналул узи буваврийну (вагинально).
14. Къасттирайсса семьяизвержение.
15. Мазок ласаврийну.
16. БакIрава буккаврийну (одрожимость, безумие, помешательство).
17. Заннайн вих бакъашиверу-вун багъаву (впадение в неверие).
18. СсунтI бичаврийну.
19. Къалиян, пIапIрус учаврийну.

ХIадур бувссар ПатIимат РАМАЗАНОВАЛ

Зума дугъаврицунсса маслихIатру

Бувкунни гьарцагу бусурманчуннан яла ххирамур, яла бусрав-мур барз. Шиная шинайн чIяву хъанай бур зума дугъагъими, хIатта цIуллу-сагъшиврул ссуссукуьминнаву ва оьрмуллул бугъараминнаву. Ларай хъуну най дур инсантураву канакимунил культура-гу, хаснура ва зуруй. Зума дугъаву бигъа даврил хIакъираву хасъсса пишкартурал тIимунитIун жувагу ххи бувну чивчусса цаппарасса маслихIатругу бучIи лякьинссар тIий буру.



Ният, зума дугъансса къаст

Мубараксса Рамазан зуруй яла агаммур – зума дугъансса ниятри, къастри. Зума дугъансса гьира хъунмасса чIумал Аллагъналгу бигъа дувайссар зума дугъаву.

Зума дугъаву – му бусурманчуннайсса буржри, му ислам диндалул рукнурдавасса цар. Ва кIанттухсса жулла бургаву дикIан аьркинссар буниласса.

Хъунасса Аллагънал жуйва буржну ккаккан бувмуниву цавагу кIану бакъассар жунма заралсса.

Зума дугъавриягу инсаннал цIуллу-сагъшиврун хъунмасса мюнпат буссар: аьмну шалла организм марцI дуклакиссар, клеткарду цIу лагIагиссар, чан хъанахъиссар холестерин, инсулин.

Зума дургъусса цалчинсса гъантрай

Зума дургъусса чIумал организмалуву литIлай дачайссар салкьи хъусса вирусру, бактериартту ва цаймигу заралсса затру. Мунин бувну зума дургъуний бакI цIунгу, дакI ларай нангу, чурххая хIал чан хъунгу бюхъайсса.

Зума итадакьин хIарчIсса шинал ва чассагул хъирив хъунмасса мюнпат буссар, гихуннай-сса дукра канан хъхъичI, дахъра гъилисса шинаву бяххан бувсса Аминосорб хIачIаврия. Ванил чурххавусса шлакру дуккан дувантIиссар.

Жува загърулул хъуний, дук-хIачIиялува ци-дунугу къадаркьуний хIачIан бикIару сорбентру (Полисорб ва ц.). ТIайлар, вайннуягу кумаг хъанай бур, амма вайннул заралминнушал чурххаву мюнпатсса затругу дуккан дуллалиссар. Вай цирдагу хIачIангу къатIааьнсса дикIай. Укунний яла хъинмурну хъанахъиссар хIачIангу лап бигъасса Аминосорб.

Зума дугъагъисса цалчинсса нюжмардий Амино-

сорб хIачIачIаврия цIуллу-сагъшиврун мюнпат хъунтIиссар. Ва хIавчIун махъ 20-30 минутI-равун дуркуну хъинссар дукрагу.

Аминосорб цуппа мунан холодильникравур ябуллан аьркинсса. Ва шинавух бяххан бувангу пластикрал къуса (мух-халсса къабучIиссар) ишла дуван аьркинссар.

Аминосорб бучIину бур лякьлуву оьрчI бусса ва ккуккулий оьрчI бусса хъаннингума.

Яла хъинмур – хъюмусса ххув

Зума итадакьин хIарчIсса шинал (бюхъавай, гъилисса), бувкусса чассагул хъирив Аминосорбгу хIавчIун, маркIачIан чакгу бувну, организм чансса чантI учингу диртун, ифтарданун хъюмусса гъилисса ххув (накъ, бульон) хIавчIун хъинссар. Цал хъюмумур, яла къанкъамур дукра дуркуну хъинссар.

Дукралувун ишла дуллалли Хъунасса Заннал жунна гъан дурмур, тIабиаьтрал жунна пиш-каш дурмур, жучIара хъхъахлах-мур, экологичнаймур.

Зума итадакьлакьийнугу хъамамабитару ссупралуха цахъис ккашилнува бизан аьркинссар, лякьлуву гъавалунсса кIанугу къабитан аьркинссар тIисса суннатсса махъругу.

Газ бусса хIачIиярттан кIанай – марцIсса щин

Зума дургъусса чIумал къабучIиссар газ бусса хIачIияртту ишла дуллан. Щаллусса кьини щин дакъа бивкIсса, хъатрулуцIа хъусса ччаруллайн зума итадаркьуну махъ хIарчIсса газ бусса шинал хъунмасса гуж бутлатиссар. Газ бусса хIачIиярттан кIанай хIачIачIи марцIсса щин, мюнпат бусса чайрду (уртту, ахъулсса дирчуну дурсса).

Гихунмайгу буссар

Бадрижамал АЬЛИЕВА



ИТНИ, 18 МАРТ
05.00 «Доброе утро».
09.00 Новости.
09.20 Д/ф «Под небом Крыма».

00.00 Д/ф «Александр Проханов. Истории». (18+).
00.55 «Подкаст.Лаб». (16+).
03.00 Новости.
03.05 «Подкаст.Лаб». (16+).

23.00 «Большая игра». (16+).
00.00 «Подкаст.Лаб». (16+).
03.00 Новости.
03.05 «Подкаст.Лаб». (16+).

23.00 «Большая игра». (16+).
00.00 «Поу Вована и Лексуса». (16+).
00.40 «Подкаст.Лаб». (16+).
03.00 Новости.
03.05 «Подкаст.Лаб». (16+).

21.00 «Время».
22.00 Т/с «Переведи ее через Май-дан». (16+).

00.55 Х/ф «Все прошло хорошо». (18+).
03.05 «Подкаст.Лаб». (16+).

23.50 К-135-летием со дня рождения А. Вертинского. (16+).
01.45 «Подкаст.Лаб». (16+).

РОССИЯ 1

ИТНИ, 18 МАРТ
05.00 «Утро России».
07.35-07.41 Местное время. Вести-Дагестан.

ном телесериале «Тайны следствия». [12+]
03.40 Детективный телесериал «Морозова». [16+]
ТТАЛАТ, 19 МАРТ
05.00 «Утро России».

02.05 Анна Ковальчук в детективном телесериале «Тайны следствия». [16+]
03.40 Детективный телесериал «Морозова». [16+]
АРВАХИ, 20 МАРТ
05.00 «Утро России».

23.20 «Вечер с Владимиром Соловьевым». [12+]
02.05 Анна Ковальчук в детективном телесериале «Тайны следствия». [16+]
03.40 Детективный телесериал «Морозова». [16+]
ХАМИС, 21 МАРТ
05.00 «Утро России».

в телесериале «Васнецова». [12+]
23.20 «Вечер с Владимиром Соловьевым». [12+]
02.05 Анна Ковальчук в детективном телесериале «Тайны следствия». [16+]
03.40 Детективный телесериал «Морозова». [16+]
НЮЖМАР, 22 МАРТ
05.00 «Утро России».

23.55 Торжественная церемония вручения Российской национальной музыкальной премии «Виктория». [12+]
02.10 Яна Соболевская, Павел Баршак, Владимир Симонов и Александра Назарова в фильме «Под прицелом любви». [16+]
НЮЖМАР, 23 МАРТ
05.00 «Утро России. Суббота».

00.55 Марина Коняшкина, Александр Константинов, Кирилл Гребенников и Линда Лапинш в фильме «Учитель». [12+]
04.20 Светлана Антонова, Андрей Биланов, Юлия Кудрявцева и Руслан Чернецкий в фильме «Мой белый и пушистый». [12+]
АЛХИАТ, 24 МАРТ
06.10 Анна Тараторкина и Виталий Кудрявцев в фильме «Чужие люди». [12+]
08.00 МЕСТНОЕ ВРЕМЯ. ВОСКРЕСЕНЬЕ.



ИТНИ, 18 МАРТ
07.00 Время новостей Дагестана.
08.00 М/ф «Смешарики. Пинкод» 0+

горшок ценнее клада оказался. 6+
05.15 Т/с «Охота на Гаулигитера» 9, 10 с. 16+
ТТАЛАТ, 19 МАРТ
07.00 Время новостей Дагестана
07.20 Передача на табасаранском языке «Мил» 12+

05.10 «И в шутку, и всерьез» 12+
05.20 Т/с «Дело гастронома №1» 1, 2 с. 16+
АРВАХИ, 20 МАРТ
07.00 Время новостей Дагестана
07.20 Передача на даргинском языке «Алматы ва замана» 12+

4 с. 16+
ХАМИС, 21 МАРТ
07.00 Время новостей Дагестана
07.20 Передача на даргинском языке «Алматы ва замана» 12+

Русская версия» 3 с. 12+
02.35 «Первая студия» 12+
03.00 «И в шутку, и всерьез» 12+
03.10 «Психологическая азбука» 0+

00.00 Д/ч «Моя любовь - Россия!» «Все о нартах» 12+
00.30 Время новостей Дагестана
01.00 Время новостей. Махачкала
01.15 Передача на аварском языке «Халк ва заман» 12+

00.30 Время новостей Дагестана
00.50 Программа «Ночной дозор»
Выпуск 2-й 12+
01.15 Передача на даргинском языке «Бахар ва инсанар» 12+



ИТНИ, 18 МАРТ
04.55 Т/с «Пасечник». (16+).
06.30 «Утро. Самое лучшее». (16+).

(16+).
03.25 Т/с «Дознатель». (16+).
ТТАЛАТ, 19 МАРТ
04.55 Т/с «Пасечник». (16+).
06.30 «Утро. Самое лучшее». (16+).

02.35 Т/с «Дознатель». (16+).
АРВАХИ, 20 МАРТ
04.55 Т/с «Пасечник». (16+).
06.30 «Утро. Самое лучшее». (16+).

ХАМИС, 21 МАРТ
04.55 Т/с «Пасечник». (16+).
06.30 «Утро. Самое лучшее». (16+).

камер». (16+).
02.35 Т/с «Дознатель». (16+).
НЮЖМАР, 22 МАРТ
04.55 Т/с «Пасечник». (16+).

04.55 Т/с «Пасечник». (16+).
06.20 «Жди меня». (12+).
07.20 «Смотр». (16+).

01.50 Т/с «Дознатель». (16+).
АЛХИАТ, 24 МАРТ
04.50 Т/с «Пасечник». (16+).
06.30 «Центральное телевидение». (16+).

«Илчилу» календарь

Ва нюзмардий бувссар:

Март зурул 13-нний 1909 шинал увссар Дагъусттаннал литературалул классик, чичу, таржумачи **Апанни Къапиев**.

Март зурул 13-нний 1926 шинал увссар медициналул элмурдал доктор, профессор **Наби Цаххаев**.

Март зурул 14-нний 1914 шинал увссар жяматийсса ва политийкыйсса ишккакку, Лакрал ва Цуссалакрал районнал 1-ма секретарь **Омархажжи Цаххаев**.

Март зурул 15-нний 1938 шинал увссар шаэр, чичу, алимчув, таржумачи **Махаммад-Загъид Аминов**.

Март зурул 15-нний 1933 шинал увссар лакраву цалчинсса «Капитан дальнего плавания» **Омар Аппасов**.

Март зурул 17-нний 1941 шинал увссар хъычЧунсса жяматийсса ишккакку **Махаммад Айгунов**.

Март зурул 17-нний 1936 шинал увссар 1-мур ранграл капитан, философиялул элмурдал доктор **Хусман-Хажжи Аглиев**.

Март зурул 19-нний 1957 шинал увссар жяматийсса ва политийкыйсса ишккакку **Махаммад Хачилаев**.

Ккавкказуллал политикалул аьнтликIа



→ Дайдихьу 1 лаж.

нистр Динара Камурзаевахлу буллуну бия 621 чIу, Ухсавнил АьсатИннал кIулшиву дулаврил ва элмулул министр Элла Аьлибековахлу – 387, Ставрополлал крайрал кIулшиву дулаврил ва элмулул министр Мария Смагинахлу – 192, Ставрополлал крайрал Думалул председательнал хьиривмур Ольга Дроздовахлу – 105, Ингушетиянал культуралул министр Залина Льяновахлу – 153, Ухсавнил АьсатИннал вице-премьер Альбина Плаевахлу – 189.

Ингушетиянал вице-премьер Эсет Боковахлу буллуну бия 21 чIу, Чачаннал вице-премьер Аьшат Кьадировахлу – 78, Чачан-

нал БакIчинал ва ХIукуматрал администрациялул каялувчинал цалчинмур хьиривмур Ххадиджат Кьадировахлу – 51, Кьабардин-Балкьарнал парламентрал спикер Татьяна Егоровахлу – 45 ва Нальчик шагьрулул бакIчинал хьиривмур Земфира Атмурзаевахлу – 78.

Ххариссару, пахрулийсару, ца Ухсавнил Ккавкказнаву бакъа, шалвагу Аьрасатналгу, шаллара дунияллулгу лагрулийсса конкурсирдайгу шак бакъа хъычIунсса КIанттун лайкьсса, бакIралгу, аькьлулулгу бювхъусса, ххаллилсса жулва министр-ная, гьарца тIулуву бавкъусса лаккудушная.

Бадрижамал АБЛИЕВА

Бусравминная

Ниттил къаувсса ттул уссу

ЧIяв жул чIаххуврай яхъанай буссия Исапил ва Сапидат Кьубатаевхъл - авурсса кулпат. Вайннал бия 1 арс ва 3 душ – ХIанза, ПатIимат, Нурижат ва Уммукулсун. Вайннал бия ЧIайннал жяматрал дянйв хIурмат бусса, чIаххуврашал хIала-гьурттусса къуш. ЗахIматрал сасан увсса ХIанза чIивисса оьрмулийва хIарачат буллалисса ия дуккавривугу, колхозрал давурттайгу.

ЧIайннал дянивмур даражалул школалий 1960-кусса шинал 10 классгу ххуйсса кыматирттай къуртал буну, ХIанза лавгуна Капсийск шагьрулийсса «Дагдизель» заводрай зун. Зийгу ивкIессар тикку токарь-револьверщикну.

1961-кусса шинал заводрал ХIанза тIайла увксар Ленинградуллал Жамирду бай институтраву дуклан. Амма ХIанза, му аьрххигу къабивтун, Туркменистаннал Чарджоу шагьрулийн лавгун ия. Муния махъ, 1963-ку шинал дуклан увхун ия Ташкентуллал политехнинститутравун, лавхъхуну бия инженер-строительнал пиша. Институт бувккуну махъ, 1967-ку шинал, ХIанза увкIуна буттал шяравун, цала нитти-буттал ялун иян. Жугу, ттула уссу Махаммадгу, нагу, лавгссияв му ккаккан. Бувсуна Туркманнал халкъ Дагъусттанная бувкIсса инсантурал хIурмат бусса, жулла куннасса аьдатру дусса бушиву. МуницIунма, ХIанзал бувсуна Ашхабадрай бушиву Самаркьаннал Торгово-кооперативный институтрал филиал. Ттунгу маслихат бунна, документругу гьан буну, уххан шайрив ххал бан. Нагу пикри бувссия му маслихатрацIун акьин.

На му ппурттуву, Астраханнал учетно-кредитный техникумгу къуртал буну, Ваччавсса госбанк-рай кредитрал инспекторну зий уссияв. Ттул гьалмахтурал – Багов Аьбдулулулгу, райпорал председательну зузисса ХIусайннулгу ттушал архIал буххан документругу гьан бунна. Миннал документругу, къамул къабувну, махъунмай бувкIуна. Ттуйн вызов дуркIуна, экзамену дуну Самаркьаннайн нану тIисса. На чивчуссия, бюхълай бухьурча, Дагъусттаннай МахIачкъалаливсса цания ца институтраву экзамену дуну иссияв ихтияр дулурча, ччива куну. Ттул бахтилул, ихтияргу, экзаменационный листгу гьан дурну дия Дагъуниверситетрал ректорнал цIаний. Университетравун буххан бувкIсса оьрчIашал дуллуну экзаменуугу, 2 мукьва ва 2 ххюва лавьссия на. Ми кыматру бусса ттул экзаменационный лист гьан дуруна ректорнал Самаркьаннай. Тиха бувкIуна ина къамул увссара тIисса чагъар.

Муния махъ, 50 кIапикIран билетгу лавсун, увкIра на самолетрай МахIачкъалалив. Гиччагу, 26 къурушран билетгу лавсун, увкIра Ашхабадрай. На хьунаавкъунав ХIанзал аэропортрай. Ва цува тийх яхъанай ия Захар тIисса жула ххаллилсса лаккучувнал къатрай. ХIанзащал ялагу яхъанай бия студенттал ЧIятусса Кьубатаевхъл Рамазан ва Шагьмилав. Жу мукьвагу ца къатлуву яхъанай уссияв.

Му тагъарданий, занай, ккалай, кIира шинай ХIанзащал Ашхабадрай къуртал бувссия нагу 2 курс. Ца уссил баймур байва ттун ХIанзал.

Институтгу къуртал буну, Ашхабадрай даврийнгу увххун, ххуйсса маьшатрашал увкIессар ХIанза Лаккуйин буттачIан,



ИсапиллулчIан, цала кулпат баврил масъалагу шаллу бан. Аьвдурашидилул ва Уммукулсуннул душ Юлияра, лайкьсса хъатIигу буну, бувицуссия цанма шарну ХIанзал.

Ашхабадрай квартирагу лавсун, Туркменистаннал Мелиорациялул ва шинал хозяйствалул министерствалий отделданул начальникну зий уссия ХIанза. Ссурвалгу цаятува арх бакъа яхъанай, куннал чIарав кув бацIлай, дахIалай чинну бивкIессар.

ХъатIи буну махъ, аьдатрайн буну, жалин ва наврузбаг ичIунмай бувцуну бия душнихъл. Нагу, ттула чIивима уссу Мусаев Махаммадгу лавгу душнихъаннийн. Жу ххуйну къамулгу буну (ХIанзал уссурвалшиврий), кIани-кIунттихъхунсса ссайгъатругу буллуну, тIайла бувккунав. ЧIунгу чIалсса дия, дунугу, жу Исапиллухъхун жура дурсса даврил отчет дулун лавгуну. Жу цацIун хъуну бучIаврийну Исапил мукьса ххари хъунахха, жун ци хьиншиву дан хьиннивав тIий ия. Къатлува увккун лавгун хъуна ца ххюра-ацIра минутI: ххал арча, лачIал бувицусса суйл мурицIату коньякрал шуша дуклай ивкIун ия. Шушагу канихъну увкIун, аьч дурну гагу, бувицуну къуругу, лавхъуна яла махъ:

«Ттул ххирасса арсрув! Ва ттула арс увсса чIумал ванан ца дизлазисса мажлисрай тямдану ивкIсса ХIанзахъл Рамазаннул, ттула шарниуссил, аманатгу буну, тапшур бунна ттуйн, ХIанзал (цала буттал) цIагу дирзун, ванал кулпат буну шаллу увсса чIумал тIитIин ва коньякрал шуша яла ххираминнан. На ялугълай уссияв ттула чIаххув хъуни хъусса, уссурвалну оьрму лавгсса зу шамагу цацIун хъусса кьини лувчIаннин. Му кьини дуркIунни. На ххарину ура, ттула арсан уссу къаувнугу, зу ванал уссурвалну бушиврий. Ттул зуйнсса аманатри, дунияллий буссаксса уссурвалну бичара оьрмулул гьантри».

Аьпа баннав цал, хьинну дугьррисса аьрипсса адамина ияча Исапил. Цувагу лахъи къалавгун аьпалул хъуна. Душру ПатIимат ва Нурижат, къатралгу хъуну, Туркменистаннай оьрму бутлай буссия.

ХIанзал ва Юлиарал дянив хъуна 2 оьрчI – арс Махаммад ва ниттин ца дирзсса душ Сапи-

жат. Цуксса хIайпнугу, ХIанзал хасиятрацIун Юлиарал хасият къадаркъуну дия. Вай личIи хъуна. Амма ХIанзал цала душнихсса ва арснахсса аякъа тачIаврагу хъьара хъун къариртссар. ХIакьинусса кьинигу оьрчIал оьрчIан кумаг буллай уссар.

ЧIярусса къабигьасса кьинирду ХIанзал бакIрачIангу дуркIессар. Цала хъунмур ссу ПатIимат аьпалул хъуну махъ мунил кулпатралссагу ванал бунни. ЧIивимур ссил Нурижатлул ахIвал-хIалдануцIунгу кавакьунни. ЦIуну хъусса цала оьрмулул дус Асиятлушал нахIу-хIалимну яхъанай ур.

На хъунмасса барчалагьрайгу, пахрулийгу, ура ттула ниттил къаувсса чIивима уссийн, ХIанзаин, ванал мудан ттухра дурсса аякъалухлу, адамлугъшиврухлу. Ашхабадрая Дагъусттаннайн МосквавийхIин занан багълай бунугу, буттал аьршарайн къаувкIун ХIанза къаацIайссар. Июль зуруй 2023-кусса шиналгу цала кулпатрашал увкIуна Дагъусттаннайн, хъунаавкъуна дустурашал, цала ниттил къабувсса уссурваврашал, ссурахъаврашал, цала мачча-гьаннашал. Буттал шяравун ЧIяв лавгун, цува акъассаксса хIаллай оьрмулуца хъусса ЧIайннал агьулданул гьаттардийн ивунни.

1972-кусса шиная шихунай ХIанза зий уссар хъунама инженерну «Туркменгидроводхозрал» институтраву, Туркманнал водохозяйственныйсса объектирттал ва къатIаллил хIукуматирттал тIалавшинна шаллу даврил проекту дуллай. Цала оьрмулул дусну кIилчин язи бувгьусса кулпат Асиятлушал оьрму бутлайгу ХIанзал 45 шин хъунни, цаннан ца ххирану, махъсса мачча-гьаннангу, гьалмахтурангу бусравну.

2004 шинал пенсиялийн увккун махъгу, оьрмулул шинну мадарасса хъуну дунугу, ХIанза игьалаган къаитайссар Туркменистаннал хъуниминнал, агьамсса иширттан аьркин хъанай уну тIий.

КIицI лагану цала оьрмулий ХIанзал хIалал дурсса наградарттал кутIасса сияхIу.

Туркманнал Президентнал указрайн буну ванан дуллуссар «Любовь к Отечеству» тIисса орден.

Дуссар ванал 30-нний лирчусса медалу ва хIурматрал грамотартту.

Ва зий ивкIессар Туркменистаннал цалчинма Президент Ниязовлул маслихатчину.

ХIанза хъанай ур 50-ллахъул публикациярттал авторнугу. Ванал цIаницIун дархIуну дуссар къундалул аьршарай памма, лачIа, ппиринж ва цаймигу бакIлахъия хъун дан бюхъаврил хьиривляувуртту, буссар авторнал свидетельстварду ва патентру.

Аьзисса ХIанза, ттул дус, яраппий, дунияллий уссаксса чан къахъуннав вил ялату аякъалийсса Заннал хъа, ина цайминнан бувици хьинбалардал барачат. Урувччуну итаннав къадарданул!

Нагу ца ниттил къаувсса вил хъунама уссу АьвДУРАХИМАНХЪАЛ ТIалхIат

«Илчилул» хъамаличув

Ватандалул мурадру хъхъичІ ххуттай бивхъуминнавасса жагъил

Аьрасатнал билаят захІ-аматсса тагъарданувун багъсса ппурттуву жула жагъилтурал ккаккан бунни иш багъний Ватан дуруччаву гъарицагу адаминал бурж бушиву. Ва ххуллукъсса «Илчи» кказитрал хъамаличуву ур Ватандалул мурадру хъхъичІ ххуттай бивхъусса, къучагъшивруцун, мяърипатралгу увчусса, ас-намус бусса жагъил, Шийшиял шяравасса Аьвдулхаликълул ва Шардал шяравасса Уммукусумлул арс Наибхан Магатуев.

Наибханнул сайки шин шавай дур хасъсса операциялий гуртту хъанай. Цана ва увкун ур отпускрай. Ватандалий ванах ялугълай бур нину, ппу, шанмассу ва махъсса гъан-маччами.

Аьралуннаву къуллугъ бувну дачІи шин лагайхту, Наибханнун воекоматрайн овькуну бур мобилизациялувун аглагъишиву бусан.

– Тайламур бусан, на наварязину воекоматрайн лавгун, ца шинайсса контракт чирчуссия. Билаятрай укунсса тагъар хІасул хъусса ппурттуву ттул дакІнил къамул къабувна мобилизациялия махъаллил хъун. Контракт чирчуния махъ ттул хъунмасса хІал хъуна ниттихъ цукун бусан хъинавав тІий. Цумур ниттинни ччисса цала оьрчІру, дяввилиин бакъагу, нигъачІаву дусса кІантурдайн итабакъин. Гъай-гъай, на аьралий операциялийн ачин нанисса кІул шайхту, нину-ппу хъовусул бувккунна, – буслай ур Наибхан.

Наибханнул 2017 шинал къуртал бувну бур Цуминалийсса Шушиял шяравусса школа. Ванан марцІну кІулну бур лакку маз. Школа къуртал байхту, къуллугъ буллаи ивкІун ур Архангельскал областрайсса Мирный тІисса шагърулий Аьралий-космический гужирдал аьралуннаву. Шикку ва хъхъичІунну къуллугъ буллаи ивкІун ур.

Контракт чирчуну ца нюзмардува ва гъан увну ур Буденновск шагърулийн. Шикку



Наибхан Магатуев

гу» тІисса дур ниттил дуаьрду.

- Наибхан, тийх ниттил дурсса цуми дукрарду дакІнин дагъайва?

– Ниттил бувсса гъавккури, чуттурду дакІнин багъайва. Тийхгу жул блиндажраву буссия тІанттуу лахъайсса пач. ХІарачат байссия жушара шайсса кушуйсса дукрарду дуван.

- Цукунсса дур вил позывной?

– Тгул позывной «Горец» тІисса дур.

Барчаллагърай ур Наибхан, цивппа тийх буссаксса хІаллай жула халкъуннал гъан буллаи бивкІсса ссайгъатиртахлу. Август зуруй къуртал хъанай дур ванал контракт. Цувама ур уттигу контракт лахъи дансса ниятрай. Ванан цукунчІав аьралий гъалмахтал къабитансса пикри бакъар. Кания гипс букъайхту, цІунилгу гъалмахтурачІан зана хъун ччай ур. Наибхан буслай ур дайди хъулийнияр цана жула аьралитурал даража лавай хъушиву. Снарядру, дронну, ккулларду, аьралуннансса лахъи-ликкия диялну душиву. Шавай увкІун махъ Наибханнун буллуну бур дяввилул иширттал ветераннал удостоверениягу.

– Барчаллагъ, Наибхан. Ина кунмасса патриоттал буссаксса, ххувшаву ласунтІишиврийнсса вишала хъиннура цІакъ хъанай дур халкъуннал дакІурдиву. Зула оьрмурдан нигъачІаву дунугу, вас-ццах бакъа, Ватан дуручлай буру зу. Ватандалул мурадру бурчлачисса цинявппагу аьралитал цІуллуну-сагъну зана хъуннав ссаур дакъа цахва ялугълагъисса ичІувациринначІан.

Имара САИДОВА

Август зуруй къуртал хъанай дур Наибханнул контракт. Цувама ур уттигу контракт лахъи дансса ниятрай. Ванан цукунчІав аьралий гъалмахтал къабитансса пикри бакъар. Кания гипс букъайхту, цІунилгу гъалмахтурачІан зана хъун ччай ур.

ва лахълай ивкІун ур дронну итадакъайсса ва зузи дайсса куц. Ца нюзмар тиккугу дурну, гъан увну ур Къиримнавун. Август зурул 15-нния шийнай, хІакъинусса къининин,

Наибхан ур хасъсса аьралий операциялий гуртту хъанай. Къуллугъ буллаи ур Херсонский областрай дроннал операторну.

Ва дур къюлтІну, душманнал хІисав къахъунну, ца позициялия дрон гъаз дурну, техника дусса кІану лявкъуну, информация штабрайн гъан бунан багълагъисса даву. Дронну итадакъайсса разведкал группалуву, Наибхангу хІисавну, шама инсан ур. Ца ппурттуву, душманнал дрон хъирив дагъну, каний цІунция хъуну дур.

– Жу буссияв вацІулу блиндажраву яхъанай. Цакуну ттул бакІрал ялтту гъанан диркІуна дрон. На уссияв та дрон жуласса ххай. Гания ливхъун най вацІулух, блиндажравун ухлахийни ка цІун хъусса ххай ивкІра, циявхъур, гъаргъун ляркъунни, – тІий ур Наибхан.

- Цукун личІи дару жула дронну тайнналминнуя?

– Тайннал дронну жулламиннуха лархъусса дакъар. Жулламиннуу кІяласса бантру бавхІуну бикІай, дирхъуну дикІай Z лишанну. ЧІяруну тайнналми дронну лишанну дакъасса, ялун бурувгун личІи дан къашайсса дикІай. Дур «Баба-яга» тІисса хъунисса дроннугу. Ми дичир-

чан, жун премияртту дулай. Миннулли техника пІякъ учин дайсса.

- Зул украиннал инсантурачалсса, тайннал зулалсса хІалкъазия цукунсса дур?

– Тикку бур шагъруду мурахас баннин ялугълагъисса оьрмулул бугъарасса инсантал. Нигъ дикІай тайннан жу ярагъуннишал заназийни. БакІрай итталун къабагъанмур буллаи бикІайва. Утти тІурча, ялунгума жун дансса хъиншиврух луглан бикІай. Цаламиннал зулму-къия дуллаи бур тІий, жуйн аьрзирдай бучІай.

- Шаппай овьчин бучиссарив, связрайхчин саллатІ бусса кІантту кІул буллаи, нигъачІаву дуссар тІий бурхха?

– УрчІва-ацІва номер буссар бахханасса, шаппай овьчин ишла буллалисса. На шания чантІ учиннин циняв номердайн овькуну бикІай ниттил. «Вил чІу бавну махъ рухІ дуркІунни, ттул арс, Заннал урувчуну ляркъиннав инагу, вил гъалмахтал-

Ватандалул ххуллий жан дуллусса уссил аьпалун

Хъаннил байрандалул хъунийн «Россия-моя история» тарихрал паркраву хъунни жагъилсса дизайнер Хамизат Къурамамамадовал хъаннил янналул коллекция ккаккан буллалисса ихІсандалул акция.

Цувгу хас бувну бия Украиннал аьршарай нанисса хасъсса аьралий операциялий ватандалул ххуллий чувшиврий жан дуллусса уссил Къурамамамадов Мамамадмур Мамамадмурал аьпалун.

ДартІсса арцугу Хамизат дакІний бур хІакъину ватандалул мурадру биттур баврил ххуллий талатисса аьралитуран кумагран тІайла дуккан.

Хасъсса аьралий операциялий талатиминнан кумагран



Къурамамамадов хал кулпатрал ттинингу тІайла бувкксар.

Мамамадмурдул жан дуллуну дур 2022 шинал апрельданул 17-ний.

Ва дулкай ивкІун ур Мамамамамадов Кадетский корпусраву. Къуртал бувну бур генерал-адмирал Ф.М. Апраксиннул цІанийсса Каспийскал хъхъирил ва цинал транспортрал институт (Волжскал лалпачахІлугъралшинал транспортрал университетрал Астраханнал филиал).

2018 шиная шийнай къуллугъ буллаи ивкІун ур Каспийскал лал флотилиялул хъхъирил пехоталул десантно-штурмовой роталуву.

Аьраличувнал аьпа абад бувну бур цува увсса Шамиллул

райондалийсса Ассаб шяраву – дирзун дур кІичІирваллин цІа, Мамамамамадов Кадетский корпусрал чІирайну лархъун дур аьпалул ула. ИвкІуну махъ дуллуну дур Чувшиврул орден.

Хамизатлул бусаврийн бувну, цІубутІуй ванил брендан цІа диркІун дур «Хамиз». Уссу ивкІуну махъ, шинал лажиндарай, даву дарцІуну дуссия тІий бур. Ттигъанну дунялийн увксса чІивитІун ватандалул ххуллий чувшиврий жан дуллусса уссил цІагу дирзун, Хамизат даххана дурну дур цила брендрал цІагу. – уссил аьпалун дирзун дур «M NUR» тІисса цІа. Хамизатлул цуппагу бур лакрал жалин. Ванил лас ур Гъамияшял шярватусса.

Зулайхат ТАХАКЪАЕВА

Буттахъал аьдату ГьунчукъатIув Хъарас щунни

Мартрал 9-ний ГьунчукъатIрал шяраву хьунни жула буттал буттахъаяту шийннай нанисса, гьарцагу шинал интнил гьантрай дувайсса ххаллилсса байран – Хъарас шаву.



Жамал Къушиевлул. Вай бяст-ччаллаву гьуртту хьуминнан хъузала чулуха тамансса бахшиш-ругу хьуна. Бяст-ччаллал судьяну ия цинявнналагу вихшала дусса шяравачув Пагъиров Юсуп.

Къурату бувкIун махъ, ахтга-къунмай, байбивхьуна хьунмур мажлис. Жяматрал вакилтурал буллалисса ихтилатирттаву хъузалахъ хьунмасса барчаллагъ тIий бия ва байран лавайсса даражалий дурну тIий. Мажлисрал залуннал, Маликлул, барчаллагъ увкуна шяраваллил жяматрахъ, цинявгу чIарав бавIуминнахъ, дукрарду хIадур дуллаи бивIминнахъ, балайрайну ва къавтIавурттайну мажлис чIолу бувминнахъ.

Шиккува Къуругу тапшур бувна ялунчIин хъарас шун уккантIисса Къурбанов Минкаил Якублул арсинай. Ванал цала ихтилатраву хъузалахъгу, шяраваллил жяматрахъгу барчаллагъ увкуна, цува къуру ласавриягу

Ва байран жул шяраву ляли-чIинура сий дуну, тяхъану дувай. Ва ххуллухъгу, хъхичI гьантрайва дагъайсса хIадуршиннагу дурну, кIюрххила Хъун-Хъузала кьатраву гьарзат ширикIуну дия: ужагърай цIу дирхьуну, ххуй-ххуйсса дукрарду дуван хIадур хъанай, шябикIансса кIанттурду хIадур буллаи бия. Гармун-ччергилу хIадурну дия.

ДукIу хъарас щилашийни ирглийсса къуру лавсуна ХIажиев Малик Кариннул арнал. Ванал буттал, Кариннул, биялсса захIмат бувсар колхозраву зий. Му бакъассагу, Маликлул буттауссу Камил ХIажиев уссия, чIярусса шиннардий цIа дур-



ксса ГьунчукъатIрал «ЯтIул ттугъ» колхозрал председател-шивугу дурну, райондалий хъуни-хъунисса къуллугъирттай зий. Цува Маликгу ххилшала бакъа хIарачат бусса, хъинну инсан-турашалгу авкъусса ур. ЦIанугу Маликлул, лажин кIялану инсан-турал хъхичIунгу увкунт, ххуйсса нис-чатIгу бивхьуну, багъайсса куцуй байран шаллу дурна. Ванацинна даркъуну, гьавалул тагъаргу оьккину дакъая, дахъра мартрал дайдихъу дунугу.

Къурув букканнинсса маж-лис тIивтIусса Зиябуттин ХIажимирзаевлул ккаккан увна тямдану Рамазан Раджабов. Лавхъун ххуйсса махъругу, ччиманан дакI дакъинсса балайрдугу увкуну,

нахIува-нахIусса ккунукрал ххункIругу бувкуну, хьамарал нанисса лукърахIанттил нахIалагу бувну махъ, тямданал баян бувна Хъузала-Малик бакIчину къурув бачлачиву Хъарас шун.

Дуаьгу дурну, Хъун-Хъузала дургьуна хъарас, бившцана гьанна. Ганала хъирив хъарас дургьуна цайминнагу. ЧIярусса шин дуртIуна гьарцагу хъарас дургьунайн, ххуйсса бакIлахъия хьуннав тIий.

Къурув хьуна бяст-ччаллу: лечлачаву, архан кIункIу даву, ххяххан бувна дучри. Цалчинмур кIану бувгьуна Рамиз Къадировлул (чал залу – Чавтараев Ислам), кIилчинмур – Шамил ХIажиевлул, шамилчинмур –

дакIнийхтуну ххарину ушиву бувсуна, хъиривмур шиналгу, жяматгу лагма лаган бувну, вава куцуй, тяхъану, ххуйну, байран гьан дансса пикри буссар увкуна.

Маликлул хъув лавсёсса Мшагу, шусса хъарасгу шалагу шяраваллил жяматран барачатсса хьуннав! Вава куцуй, Минкаиллул лавсёсса Къуругу барачатну лавсёсса хьуннав! Укун ххарисса, ххуйсса байранну, ГьунчукъатIув дикIу, вайми лакрал цархъай дикIу, чан къа-хьуннав!

Зиябуттин ХИЖИМИРЗАЕВ
Суратру авторнал
ва Пагъир АХИМАДОВЛУЛ

Мартрал 6-ний МахIачкъала шагърулул музейраву хьунни цIа дурксса суратришу Камил Чутуевлул цаллаусса «Лицом к лицу» тIисса выставка тIитIатIисса шадугъ.

Выставка

Камил Чутуевлул караматсса суратирттал дуниял



Ваний гьуртту хьусса личи-личисса министерстварттал ва идарттал вакилтурал, уртактурал, дустурал бувунни хъин-хъинсса ихтилатру.

«Лицом к лицу» выставкалий дирхьуну дур 1960-ку шиная 2018-ку шинайн дияннин риршусса 100-нийн дирсса сурату: чIяву миллатру бусса жулла республикалул машгьурсса ва укунмасса инсантурал, мюрши оьрчIал ва къари-къужрал.

Выставкалун дирзсса «Лицом к лицу» тIисса цIанил цилагу тIисса куцуй, шиккун бувкIми лажин лажиндарайну хъуна-бакълай бур Камил Чутуевлул суратирттайсса личи-личисса миллатирттал, пишардал ва оьрмулул инсантурашал.

Камил Аминовичлул цалла-лусса (персональная) выставкардал ккал дуларча, ва ххул-лукъмур хъанай дур 17-чинсса. Цайминнашал хIала-ккалану хьуми выставкардал ккаллив ччянира даяркуну дур.

ХIисав-ккал дуван захIматсса выставкардайгу гьуртту хьуну, пишалул къюлтIшивурттугу ччянира аьч дурну, куртIшивурттугу виттирикIусса фотографнал тIива: «Цуну дуллалисса гьар-

цагу выставкалий дакI цалчин кунна ват-ват тIий дикIай, ттулма цимурца кIулсса кунмасса асаргу къабикIай». Вай мукъурттилгу исватну чIалачIи дуллалиссар ва пишакарнал язими лишанну.

Дагъустаннай ва икъавсса кIану бушиву къакIулли. Ванашалсса хъунабакъаврия, ва цала шяравун учIаврия ххари шайсса акъа инсан ушивугу къакIулли. ХIакъинугу, чIявучил кIунттихъ ччикунсса ва ччисаксса суратру дувансса телефоннугу, цайми-цайми каширдугу дусса заманнай, ваналми суратру тIалавну душиврул иш бухъунссар ванал ляличисса гьунардануву, магьиршивруву. Искусствалул журардаву яла захIматмунин ккаллину дур портрет. Ванал риршусса инсантурал суратру дур тарг тIисса, рухI дусса, щий-ваманал хасият чIалачIи дуллалисса. Авторнал творчествалуву ляличисса кIану бугълай бур лухIисса ва кIяласса суратрал.

«Лицом к лицу» выставка тIиртIуну дикIантIиссар майрал 10-нийнин. Насияра ккаккан, зияратрай бацIан, Камиллул караматсса суратирттал асарданул ясир буван!

Бадрижамал АБЛИЕВА



Адабиятфал
лаҳсин

Юбилейран хасну

АПАННИ КЪАПИЕВ

Дагъусттаннай дурсса чичрурдава

БУРТГИЙ-АХЪТТА

1934-1940

Хъхъувай чантI увкунна:
чIарав ппу ур уттуивхъуну. Га
чарив увкIун ур. Га ур цанна
аъжайвсса макI ккарккунни
тIий: хIаятравусса мурхъ, ваца
тIутIайх бивчусса кунма хъуну,
ганий бяъли бивну. (Га мурхъ
ттулъя, га жагъилсса буссия,
на гания пахрулий икIайссияв,
гъарцагу бяъли хIарачат бивну
ябуллаи икIайссияв – гай циксса
буссарив бивккуну буссия).

На увкуссия:

– Гъич бикIан къабюхъай-
ссар. Ачу ххал баннуча!

Буттал маз-къаз бивхъуна:


– ЦIан дур, гъунттий ххал
банну...

На ивзссияв: мыйжаннугу
шала мурхъ, бяълилул бивцIуну,
ятIулну бия! ХIаятраву чIаххув-
рал на барча уллан бивкIуна...

Ургарча, на рязи аншиврул,
буттал га мурхъирал къартрайх
бяълилул къюмайрду лархъун
диркIун дия! Уссияча ца хъинсса
къужа!..



Апанни Къапиев



Сулайман Стальскийшчал. 1936 ш.

Шяравух нанийни – чаяту
лилукку, чайх мархъгу мабиша-
ванна, цанчирча му шяравалу
сан дакъул дуллалавур.

Ссут. ЦIияллаи ахъвазан
къакъан буллаи бур, мунияту
цинярдагу цIияллу наранжисса
рангиран хъуну чIалаи дур.

Мурчал куну бур чIаркI-
нихъ:
– Нуз тIитIа, на винна чансса

ЧIявуссанная чIявусса литIай-
ссар, чанссанная – чансса.

Ца жул мацца адаминан
Ххябук-ЗунттучIа хъунаавкъу-
ну ур тIахIни даххан нанисса
бархъарачув. Мацца адамина,
хъусгу ляркъуну, дустурашчал
шавай най ивкIун ур.

– ХIаз бан ччарув?.. Ссалам
аьлайкум! Циняр тIахIунттив
ссан дулунна?

– Шанна къуруш.

– Ма вин шаннагу къуруш.

ТIахIунттив машан лар-



ХI.ЦIадасса, А. Къапиев, П. Павленко, С. Стальский. 1934 ш.

ХхуллуцIухсса урттуйсса
хъхъемайн ххяххабаргъ тIай-
ла бавцIукун, авлахърай хху-
нххутIул тIутIив хъятIисса кунна
дикIай.

Гамушру щинал бярдаву
бавцIуну бур, ваца синааьрша-
рая бувсса, луххал рангсса, лап
буруккин бакъасса, авъзалзаман-
нул Аллагътал кунма.

Багъру. Нех. Хъунив хъу-

сса, ттуршрахъул шиннардий
бавцIусса гъивхъулу мурхъру.
Ххютулу хъхируннал гъуркIун.
Гужсса кIиришиву!..

Ххуллий – щинал къукъу. Га
ххуллулссаннан бивхъуну бур.
ЧчянияцIара мукунсса аьдат
дусса дур.

Цинявннал хъатIив бай ссут-
тихунмай, къушлий гъарзат ава-
дансса чIумал. Кахиблив тIурча
– инттухунмай, къурув зун бук-

каннин ичIура ххишаласса зузи
кару дикIаншиврул.

Машина хъунабавкъусса
чIумал, аьравалтту, ракру кунна,
гъарца чулухуннай ппив шай.

Мюрш хъюру мурхъирал лаг-
ма кай-кай хъуну дур, мурхъ цуп-
па тIутIайх бивчусса хханссар.

ХхюнкIрал щин хIачIай –
чIапIайсса хъхъем.



М. Чариновл, И. Аурбиев, А. Къапиев. 1932 ш.

нахъгу, ххулувгу бичиннача.

ЧIаркIнилгу, вих хъуну, нуз
тIиртIуну дур. Мурчал тIурча,
бувххун чIаркIув, гивусса гъар-
зат кIичIиравун экъидирчуну
дур.

Инсантуран кIулссар ттун
эшкьи хъуну душиву, амма цук-
сса эшкьи хъуну дуссарив так
ттунмар кIулсса.

Ттукри бий, обсса ажда-
гъартту кунма, къяца бавцIуну,
къацIагу тIий.

Шамиллухъ:
– Гай чIявусса бур! Жува ци
банну?
– ЧIявусса бухъурча – чIя-
вусса лигу-литIунтIиссар.

сун, гай зунттуих ккуру ритлан
ивкIун ур. Бархъарачув, урувгун,
урувгунгу ивкIун, дурккун ххар-
жангу, ххяххун ур:

– На ми дуллаи ивкIисса
ссанчIав дакъа ина гъагълан-
шивруллив!..

Ккурккуллал шяраву ттукри
бакъар. Бусса ца-кIива, гайгу
игрушкартту кунма, бювчIусса
бур. Гъарзат хъаннил дай.

Балайчи. Яругу лавкъуну,
хъюлчайгу тIий, пала хъазамрайх
кунма, ччергъилттуйх заккана
бишлай ур. Зурзугу тIий...

Чу хъириг лавхIуну нанисса
чIумал, ганил иттав мауруга-
ванна.





 Ва дуняллий ттун цукунчIав
 къабувчIунни кIива зат:
 1.Циванни инсантуран аьр-
 ши диял къахъанахъисса?
 2.Циванни инсантаг гьарцагу
 чулуха шаллу бакъасса?

 МахIачкъалалал вокзалдан
 ний оьттухлу оь ласласисса куц.
 Дахъва ялун бивуна «Москва-
 Баку» тIисса анавар поезд.
 Къужул, даркъуну ххаржан,
 вагон-ресторандалучIа увтуна
 оьттулучув, яла, вахIшийсса
 чIурдугу булла, къавтIун ивзу-
 на нурчIилул ялув. (Карашатус-
 са лак. Гайннал душманшиврул
 тарих...)

 ХIукму хъунни операция
 бан.
 – Ци банну, туну, дукканну
 тур бивкIулийн дандину!

 14/1944 ш.
 Дуллунни ихтияр. Буцлай
 ура низамрайн ттулва цаппара
 чагъарду, ай, балики.
 Хъун нанимуння шцах учав-
 рил ттул лякъа, цIугу-къацIий,
 пахъ дагъну дур. «Жува ванин
 ккаккан банну!»



Фронтрай дурсса чичрурдава

1941-1944

 Дяъви най бур, къужай, дяъ-
 ви.

 Шау дирсса буттайнсса
 чагъарданий арснал чивчуну
 бия: «Мяммай, ялунсса талата-
 вурттаву вила инава урувчуну
 икIу, на винна Дякъил ттат-
 тахасса назмурду гъан дулла
 урача».

 ИвкIусса инсаннайсса найн-
 насса ссят...

 Ххаришиврул хъаттирдай
 жучIанна чIяруну лерххун
 дучIай пашманшиву.

 Шау кунмасса ххяххабаргъ.

 Минск шагърулул майданнив,



гужсса бомбарду бивчуну махъ,
 лахъну хъягу-хъяй, къавтIий бур
 авлия хъусса хъами.

 ИвчIан хъхъичI Виктор Гю-
 гол зумату дурксса калима:
 – Ттун чIалай бур лухIисса
 чани.

 Хъхъурай дия оьккисса къю-
 ву. Шанай къаивкIра: ваца
 чIатIухъхун биривсса къюнукъи-
 шатта кун, къарчI ивкIун ивкIра
 шаллусса хъхъуну.

 Гъунттий уттуихълай ура.
 ЖаррахIнал баян бунни опера-
 ция итникъини бан нанишиву.

 Авчуссара тти операция-
 лийн. Бунни морфийлул хха-
 лаххи... Нарив яхI къабувсса?
 Инарив яхI къабувсса, Къапи-
 ев? Ванал, ва арши бакъуллив,
 яхI къабувсса? КъадурхIусса
 вайксса шиннардий ва язва?

 Ва ххуллухъурув, туну, яхI
 ва бачIи банну! Бала бакъар.
 Хъумур хъуссар!

 Аьжаивсса иш: операция бай-
 бишин хъхъичI минутI минутI
 дирхъуну байлилтIунни ттул чич-
 рурдал жужгу, ттунма му муку-
 н хъуну ччайгу бакъа бунува.


 ХIадур бувссар
 Р. БАШАЕВЛУЛ

Жула дакIния щин хIачIлачIисса шаэр

Адабиятфал
лажми



Руслан Башаевлул юбилейрацIунсса
ца-кIива махъ



Ца аькьлукарнал куну бур:
 «Шеърирдаву тIутIимур
 чивчуманал бувчIин къабай-
 ссар», – куну. Жунмарив тIурча,
 бучIину бухъунссар шеърир-
 даву шаэрнал кумур жуламур
 дакIнива кунмасса бурув, бакъа-
 рив ххал бан, лагмаминнашалгу
 кIибачIин.

Шеърин цукун ляхъан бай-
 ссарив уттигу шинчIав кIулну
 бакъар. Му жула лярхъу ду-
 нияллийсса ца яла хъуннасса
 къюлтIшиврунгума ккалли хъа-
 най духъунссар. Шеърин ляхъан
 бавриву, чичавриву муксса кара-
 матшиву дурхха, га цукунчIавсса
 «археологнаша» аьлтту дуван
 къахъунссар.

Лакрал миллатрал лавгмур-
 гу лавхъхъуну, ганивухгу завза
 увккун, ялун бучIантIимунил
 бурруккинттугу цукунсса бусса-
 рив буслай, жуйхва бачIлачIисса
 шаэргу, прозаикгу ур Руслан
 Башаев.

Ванал буттауссу МахIаммад
 Башаевгу лакрал миллатрал
 исвагий литературалул «арив»
 хъинну «куртIсса хъарас» дир-
 хъусса чичу ия. ХIакъинугу увар
 лакрал прозалул чичултраву
 ганачIан гъан хъанахъисса цама
 уккан.

Амма жула хIакъинусса их-
 тилат, ваная бакъарча, лакрал
 миллатран ччянива ххира хъусса
 Руслан Башаевлуятур. Ванал ла-
 крал литературалулу, публици-
 стикалулу дурмунил дазу-зума
 дакъар. Буняялагу, Русланнун
 аьламрава буллуну бур жува
 ххари булланссагу, махIаттал
 булланссагу асарду чичлансса
 ва ми жуйхва бачIлансса гъунар.
 Ванан Заннал бахшиш бувну бур
 бюхъу лакку дуняллул ва лакку
 мазрал калимарттал караматши-
 ву жула хъхъичI зияратран дихъ-
 лансса. Ванал зумату, дакIнива-
 ту жухъва бусласимунил, чичлачи-
 мунил цал ялагу мьайжан буллан
 бикIай жула ниттил маз ххишала
 бакъа аваданссагу, пасихIссагу
 бушиву.

Ца ппурттуту ттун Русланнул
 чичрурдаву бакIрайн дагъуна
 укунсса сурат: «Зунттавусса
 ххялал чIамурдалу ссулитрал
 цалва къуртан ишла бувсса
 къюллу къурукIинттул дукия
 чанну лирчIисса чIумал, аврдан
 чIамучин дан хъинну лякъайсса
 бур». Бакъаривла ччи-ччиманал
 хIисавраву гъантта къаличIансса
 зат!

Цаппара шиннардил хъхъичI,
 Ккуллал райондалий «Илчилул»
 корреспондентну зузисса ттуйн
 оьвкуну, Русланнул тавакъю
 бувна, цала сакин буллалисса
 луттиран аьркин дагълай дуну,
 Лаккуя 1944 шинал диван дурну
 диркIисса Арттабийл шяравал-
 лил сурат рищун насу куну.
 Ттухъ насу кусса кIа даралува
 диван дурну диркIун дур арул-
 ла шяраваллу: Къичурлухи,
 Бярнихи, Чакъал, Тукъатул,
 Арттаби, Оьллауртти, Ххяллу-
 хи. Башаевлул на чантI учин
 увнав: ттун ттула миллатрал
 бакIрачIан бувкIимур, цаманал
 бусаврийну бакъа, ттула яруннал
 хъхъичI бавцIуна, му ишгу хъуна
 ттун ттухъра дирхъусса дарсуну.
 БувчIуна жунна тарихрал аьшру
 дакIния дуккан ритан тачIаврагу
 къабучIишиву.

Зу вих къахъунссару, Артта-
 биял шар диркIимур кIану къа-
 ляхълай, луглай занай, ахиргу
 ляркъуну махъ, кIания лирчIисса
 аьш-бакI ххал хъуну мукъах,
 на усса кIанайгу шяивкIун, аьтIун
 ивкIиссияв...

Руслан Башаевлул къалан-
 далул мицIлила дуркмур дур
 гьарца чулуха пагъму ххисса,
 куртIисса мяъна вив дусса. Ва ур
 ца даражаллийсса шаэргу, проза-
 икгу, публицистгу. Уттигъанну
 Украиннаву нанисса иширттан
 хас дурсса ванал чIирисса макъа-
 лалувасса махъругу ттун хъинну
 бювххуна: «Дяъви му давран
 бакъар» тIисса.

Ялагу ца укунсса зат. Къа-
 чанну кIицI бувну бикIай, улу,
 Пушкиннул чичрурдавугума
 бакIрайн багъунни, «Творче-
 ствалул инсан – му хасиятрал
 чулуха цахъи вахIишиссагума
 икIан бюхъайссар» тIисса пикири.
 Укунгу тIий бур: «Цала чичрур-
 далсса булла, лагмасса инсан-
 турашалсса хIала-гъурттушиву
 чан хъанан дикIайссар».

Ттуннив учин ччива: му
 тагъарданучIан Руслан Баша-
 ев гъаннувагу аькар. На ма-
 хIатталгума хъанан икIара ванал
 цашала ихтилат буллалиманал
 вичIи дишин кIулшиврийгу, лаг-
 масса дуняллухсса личIуллсса
 ябитаврийгу.

Барча, Руслан, вил оьрмулул
 Лахъазан. Итаннав, яаннав
 ина Аллагънал вания тийнайгу
 ттунгу, чIявусса цайминнагу
 ччисса куццуй!

ХIажимурад ХIУСАЙНОВ,
 ш. Вихъул

Жула Роствардия

Барча бунни аьралитурал нинухъру

Дагъусттанал Роствардиялул Управлениялул цинявгу подразделениегьттал зузалтрал барча бунни къуллугъ-рал бурж бартбигълай жанну дуллусса зузалтрал ниттихъул ва шахъами.

«Скорпион-Каспий» ОМОН-лул аьралитурал, миннайн цачанма оьвкуну, тугъивгу дуллуну, арцуинусса кумагъу бунни.

– ДакІний битияра, жун тачавгу хъамакъабитантиссар жула аьралитурал кулпатру. Жу мудангу зул чІарав буссару, – увкуна, вай барча буллай, отрядрал командир полициялул полковник Александр Гортыпановлул.

Къучагъшиврул ордендалул заллу милицинал чІивима сержант Руслан АьдулІамидовлул ниттил Светлана Владимировна барчаллагъ увкуна отрядрал командирнахъ ва зузалтрахъ ца-



хара дуллалисса аякъалухлу.

– Къуния мукъра шин ларгунни ттул арс аьпалухъхъун лавгун. ЗучІан бувкІтарив ттул дакІ тирх учай, рахІат дуккай. Цанасса чІумал зун ляличІинура хъуннасса хъар лахъан багълай бур. МукІрура, зу кунмасса аьралитал бусса билаятран цичІарнигъачІаву дакъашиврий. Зул ялун цукунчІавусса пашманшиву

къадияннав, гъарицагу аьрххилия цулулуну, сагъну зана хъуннав, – увкуна ванил.

«Ястреб-Каспий» СОБР-ал ва «Ягуар» ОМОН-лул зузалтрал барча бунна ниттихъул ва шахъами, шаппа-шаппайн лавгун.

Бахшишругу дурну, хъунабакълакьисса масъаларттал хІакъираву цІухху-бусу бунна.

ПаччахІлугърал наградарттан лайкъ хъунни

Дагъусттанал Роствардиялул управлениялул хъунаманан кІанайсса полковник Антон Зуевлул дуллунни паччахІлугърал ва ведомствалул чулухасса наградартту къуллугъ-

рал бурж бартбигълай ххуйсса ккаккяртту чІалачІи дурсса кІанттул органдалул аьралитурал ва зузалтран.

Къуллугърал бурж биттур буллай чувшиву ккаккан

дурсса Управлениялул хІаписартуран дуллунни Жуковлул медальлу. Цаппара зузалт лайкъ хъунни «За отличие в службе» тІисса 2-мур даражалул лишандалун.

Агитпоезд мюхчан бунни

«Сила в правде» тІисса Аьрасатнал Обороналул министрствалул агитациялул поезд МахІачкъалалив нанисса чІумал мюхчаншиву дуручІай, низамрал къаралданий бия «Ягуар» тІисса транспортрал ОМОН-лул зузалт.



Виваллил иширттал министрствалул зузалтрашал вайннал личІулуну ххал бунни поезд бацІайсса кІанттурду, шаллу дунни инсантал итабакъаврил низам.

Поезд хъунабавкъунни аьралитурал, жяматрал, ветерантурал ва жагъилтурал организациярдал вакилтурал.

Агитпоездрал вагоннаву ккаккялун бивхъуну бия ярагъ ва аьралуннал лахху-ликку, мукунна трофейрал техника.

Жяматранконцертрал программа ккаккан дунни агитпоездрал артисттурал ва Дагъусттанал творчествалул коллективиртал. Мероприятиялий гуртту хъунни 300-нния ливчусса инсантал. Жяматийсса низамрава бувксса ишру къавхъунни.

Дагъусттанал командалул кІилчинсса кІану бувгъунни

Владикавказрай «Динамо» спортрал комплексраву хъусса Ухсавнил Ккавказуллал округрал Нацгвардиялул аьралитурал дянивсса дзюдорал чемпионатрай кІилчинсса кІану бувгъунни Дагъусттанал Роствардиялул управлениялул цачІусса командалул. Шикку гуртту хъунни Ухсавнил Ккавказуллал яла цакъми спортсментал.



Бяст-ччал байбишин хъьхъичІ спортсментал барча буллалисса

ихтилатру бунни Ухсавнил Осетиянал-Аланиянал Роствар-


диялул управлениялул хъунама полициялул генерал-майор Валерий Голотал, хъунама судья – округрал физІадуршиннарал ва спортрал хъунама полковник Сергей Буниннул, «Динамо» Обществалул региондалул отделениялул хъунаманал хъиривчув виваллил къуллугърал полковник Валерий Дзитоевлул. Дагъусттанал Роствардиялул командалувасса кІиннал ларсунни мусил медальлу. Чемпионатрай ххув хъуми Ухсавнил Ккавказуллал округрал командалулу гуртту хъунтІиссар Челябинскалий хъунтІисса хъиривмур ятапІрай.

ХІадур бувссар Андриана АьДУЛЛАЕВАЛ

ДакІнин бичавурттава

Ца бюхттулсса аьлимчув

Ца хавар бувсуна вай гъантрай ттухъ ттула гъалмахчув, Гъумучатусса Аслан Аьлиевлул. Ва хавар ванахъгу бувсун бия 1969-ку шинал Москвалив жула цаныхсса аьлимчув Амир Амаевлул, вай цачІанма хъамалу бувкІсса чІумал – Аслангу, Амирдул хъабакІсса уссу Дандамаев АьбурахаІмангу.



Амир Амаев

...1968 шин. Дахъва-дахъва къуртал хъуну бур Чехословакиянавусса ишру. Та чІумал Чехословакия, СССР бакІчисса Варшавский договорданува буккан ччай, жула хІукуматрайн къаршисса политика дачин дурну бивкІссар. Му чІумал СССР-данул, вайми социалистический хІукуматиртгашал архІал аьрал бавкъуну, тай паракъат бувссар. Мунин бувну, та шиналгу, хъиривсса шиннардиюгу Чехословакиянал халкъ, хъинну жуятува рязи бакъа, лулттура жуйнна къаршисса давурттив дуллай бивкІссар.

Сайки муна му чІумал тайннал хъуншагърулий, Прагалий, хъун аьркинну бивкІун бур Дуниялул халкъуннал дянивсса ядерный темалуха зузисса аьлимтурал симпозиум. Иш мукун багъну бухъувкун, пикри буллай бивкІун бур тІайла буккан буригъ тиккун жулва вакилтал ягу бакъарив. Махъва-махъгу, СССР-данул ХІукуматрал хІукму бувну бур тІайла буккан делегация. Мунил каялувчинугу ивтул ур Амир Амаев.

БувкІун бур Прагалийн. Аэропортрай вай шилчІав хъунабав-

къуну бакъар, аьдатрайн бувну, хъунабакъин аьркинну бунува. Бувгъуну таксигу, бувкІун бур гостиницалийн. Тикку хъинну махІаттал хъуну бур жулва вакилтал бучІаврия, ва яла сант дакъами номерду ккаккан бувну бур яхъанан. Амирдул куну бур жулваминнахъ: «Вайннал ци дуларчангу, къулагъас мадару, паракъатну бивкІяра», – куну. Хъьурай жулва вакилтал бусса номердаву даршуну дур шин. КІурххил ччяни бивзун, ляркъуну дур шингу, кипятильникгу. Гъили дурну шингу, чІирттугу бивчуну, лажин-кагу шюршуну дур.

БувкІун бур залданувун, шябивкІун бур. Симпозиум бачин бансса президиумгу, мунил хъунамагу вай бучІаннин бувкІуну бивкІун бур. Амирдул жула делегациялун бувкІин бувну бур ци дуллан аьркинссарив, цукун занакъулу хъанан аьркинссарив, ци гурттушинна дуллан аьркинссарив. Симпозиумрал цалчинмур къини цукун-дунугу ларгун дур. Хъирив къини тІурчан, вайми хІукуматиртгашал вакилтурал тІалавшиндарайн бувну, президиумгу, симпозиумрал хъунамагу аххана увну ур. Хъунаманугу увкІуну ур Амир Амаев. Вания тийнмайгу симпозиум, къуртал хъуннин, най бивкІун бур Амирдул каялувшиндарай!

Тти ххал бара, дунияллийсса аьлимтурал дянив цуксса сий дуну ивкІун урив, цуксса миннал чулуха хІурмат лавайну ивкІун урив жула лаккучув, хІатта жухва ххуй бакъа буруглагисса хІукуматрай хъанахъисса Дуниялул халкъуннал дянивсса симпозиумрал хъунаману увкІин!

Вана укун ххишала акъа лайкъсса, хъинну хІурмат лавайсса аьлимчув ва инсан ивкІун ур Жабраиллул арс Амир Амаев! Аьпа баннав цал!

Зиябуттин ХІАЖИМИРЗАЕВ

Инсантурансса бигъашиврун

Дагъусттаннай хІакъинусса къини сийлий дур Аьрасатнал ФСН-далул дурсса «СМС-рал кумаграй налогру дулаву» тІисса украсса хІаллихшин. Мартрал 1-нния шийнмай сайки 98 азарахъул инсантал бур ва ишла дуллай.

Ва телефоннай шуруци дулланшиврул инсантуран багълай бур личный кабинетрайхчин СМС ягу Е-mail информация тІалав буван хасъсса идаралия. Налогиртталсса буллалисса идаралийхчин ягу почталийхчингу шаллу буван шайсса бур ва масъала. Телекоммуникациялул дахІаву ишла дурнугу шайсса бур СМС-рдайну налогру лахъан.

Агарда къадулуну лирчІисса налогру духъурча, зучІан телефондалийн дучІан тІий дур СМС, ци журалул налог дуссарив ва циксса арцу дулун багъ-

лагиссарив ккаккан буллалисса. Укунсса баян бавуртту телефоннайн гъан дайсса дур хасъсса идаралул шанма зуруй цал.

ЕНС-рал тагъардания кІул буван шайсса бур бухгалтерналмур системалийхчингу, налоговыйлийхчингу карта тІалав дурну.

Ва карталий аьмну ккаккан бувну бур ци налог дуссаривгу, ялун биллалисса пенягу. Ххюва гъантлул муттали й залунначІан дучІайсса дур гъарцагу налограй аьмну бусласисса карта.

Сагъират ИСМЯИЛОВА

Жижара



АБДУЛ-МУТИАЛЛИБЛУЛ ДУШ КЪУРБАНОВА ХХАДИЖАТ-КУБРА

Оърмул 80 шинаву жуятува личи хьунни даки-аьмал авадансса инсан, уздансса хьамитайпа, Хьурттал шяраватусса Аьбдулмуталиблул ва Таибатул душ Ххадиджат-Кубра.

Ххадиджат бувну бур 1944-ку шинал Хьурив. Яла нитти бутташач лавгун бур Ашттархан шагьрулийн. Дарсирдайн заназ хьувкун, Лаккуйн бувкун, цила ниттил ниттича яхьанай, буттал шяраву бувкуну бур 7 класс. Муния махь кьуртал бувну бур Гьумучиял дянивмур даражалул школа. Яла, цунилгу Ашттар-

ханнайн лавгун, тикку бувкуну бур Балугьирттал институт, хьуну бур ихтиолог.

Кьатлул хьуну махь цила ласнашач Шамиллушач бивзун бур Махачкьалалийн. Шикку ва сайки 20 шинал мутталай дарсру дихьлай бивкун бур Махачкьалалал рыбпромышленный техникумраву. Ва техникум лавкуну мукьах, Ххадиджат-Кубра, ххуйсса специалист бушиву куну, «Запкасрыбводрал» талав бувну бур зун цачанма. Шикку зийгу ванил хьуну дур 12 шин. Махьсса шиннардий дарсру дихьлай бивкун бур Дагьусттаннал паччахьлугьрал университетраву, пенсиялийн бужаннин.

Ванил халал дурну дур «Заслуженный рыбовод России» тисса хьуннасса ца. Ххадиджат-Кубра архал зий бивкминнал дянивгу хурматрай бивкун бур мудан. Мукунма бусраврай бивкун бур цила мачча-гьаннал дянивгу, жяматрал дянивгу.

Ххадиджат-Кубра аьпалу-хьхьун лагаврил пашманшивугу кИдачИлай, дакИнийхтунусса жижара буллау буру ласнахь Шамиллухь, арсурваврахь ва махьсса мачча-гьаннахь.

Цил бунагьирттал аьпа баннав, алжаннул ххари баннав, махьминнал оьрмурдай барачат бишиннав.

Хьурттал ва Хьурукуннал жяматру



ШАМСУЛВАРАНАЛ АРС ДАНДАМАЕВ ХИАЖИ

Мартрал 11-ний оьрмул 86 шинаву жуятува личи хьунни ГьунчукьатИрал шяравасса Дандамаев ХИажи Шамсулваранал арс.

Кьуртал бувну Дагьусттаннал шяравалил хозияствалул институту, ХИажи зий уссия Махачкьалалал винзаводрай, яла –Дагьусттаннал дуки-хИачИялул элму ахттар дуллалисса институтраву. Шикку ва зий ивкИсар личи-личИсса лахьсса кьуллугьирттай. 1975-шинал Дандамаев ХИажи ивтссар Дагьусттаннал лухИтИтИул ва чахир дуккавил элму ахттар дуллалисса институтрал директорну. 1988 шинав шийнай, пенсиялийн укканнин ва ивкИсар Дагьусттаннал ХИукуматрал комитетрай зий. Ва цувагу хьанхьиссар биологиялул элмурдал кандидат. ХИажинал 100-нния лирчусса элмийсса макьалартту чирчуссар личи-личИсса кказитирттай ва журналлай. Ванал буссар 11 цалла ляхьан дурсса затирттал патент.

ХИажи ия хьинну дакИнил ххуйсса, инсаннал чарав ацлан хИадурсса, гьан-маччами хьинну ххирасса, циньявнангу бусравсса инсан. Ванал цала кулпат Светашач архал, хьунигу бувну, чивун уккан унни 2 ххаллилсса арс.

ХИажи аьпалул шаврил кьурчИшивугу кИдачИлай, жижара буллау буру кулпатрахь Светахь, арсурваврахь Шамсулвараннахь ва Маратлухь, уссияхь Мусахь, ссурваврахь Нинахь ва Зинахь, циньявпагу мачча-гьаннахь. Цал бунагьирттал аьпа баннав, алжаннул ххари аннав, махьнал оьрмурдай барачат бишиннав!

ГьунчукьатИрал жямат



АХИМАДЛУЛ ДУШ АЬЛИЕВА ГУРЖАМАЛ

ЗахИматсса цуцИавриша ххассал кьавхьуну, оьрмул 73 шинаву жуятува личи хьунни Карашрал шяраватусса АхИмадлул душ Аьлиева Гуржамал.

Гуржамал бувну бур 1951-кусса шинал Карашав. ХьхьичИунсса кьиматирттай 1970-ку шинал кьуртал бувну бур Карашрал кьунтандалийсса дянивмур даражалул

школа. Муния махь мукьра шинай зий бивкун бур цилва бувккусса мува школул лаборантну.

Яла, Махачкьалалив бивзун мукьах, чИарусса шиннардий ва зий бивкун бур Махачкьалалал Приборду дай заводрай. Хьун-масса хурматрай ва кьадрулийгу бивкун бур цуппа зузисса коллективрал дянив. Халал дурну дур хурматрал грамотартту ва барчаллагьрал чагьарду.

ХИал бавкьусса, даки-аьмал уздансса, гьарца даймуниву, дитаймуниву итхьавхьсса инсан бия Гуржамал. Мудангу бусраврай ва сийлийгу буссия цила агьлу-авладрал ва шалагу жяматрал дянив.

Гуржамал аьпалухьхьун лагаврил пашманшивугу кИдачИлай, дакИнийхтунусса жижара буллау буру ласнахь Маликлухь, душ-ваврахь Аьшталлухь, Жамилахь, Зугьрахь, уссияхь Рашидухь, ссияхь Марияннухь ва махьсса циньявпагу гьан-маччаминахь.

Цил бунагьирттал аьпа баннав, рухИ бигьаний дишиннав. Алжаннул ххари баннав.

Карашрал жямат



Вай гьантрай жул аьзисса уссу, шяравалил жяматрангу бусравсса, дустрангу ххирасса МахИмудов МахИмуд аьпалухьхьун лавгун 6 шин хьанай дур. Гьарица кьинигу жун асар хьанай бур ва чарав акьашиву.

Бургьихагу лавхьхьусса, Зурул лашингу дусса, Жул никьурттай кьавтИалай, Ххира уссай, МахИмудий.

Инт дучИайхту, ина жун ТпутИал кацИру булайва: Интгу гьан хьанай дурхьа, ТпутИив тти дакьассарив?

Шинну циксса гьарчангу, Хьамакьаитанссара, Тти аьпа буваннав вил, Жул мусил бакИ, ххазинай, Ххари аннав алжаннул!

Заза

«Жуяту Ватандакьулт бунни»

Зунттава лак арнил кИанттайн бизан баврицунсса хьовсулсса пикрирду.

Лакран 1944 шин кьиялул, аькьувалул ва дардирдал дайди хьуну хьушиву хИакьину циньявнанмагу исватну чИалачИсса зат бур. Дяьвилул чараву кунна, 27 шяравалу лекьа-пИакьу шаврияр, 1200 (1600 тИсса хИуччардугу бур) вилах лешаврияр кьурчИсса ци бикИайссар миллатрал тарихраву? Изан увсса 6 азара инсанная шанна шинавун 2 азарунничИан ивсса ливтИуну бур. Зулмулий бизан барчагу, хушрай бизарчагу, укунсса кьини дурккун дур.

1944 ку шинал февраль зуруй буттал аьрщарая чачаннал миллат бизан бувкун, билаятрал хьуниминнал хИукму бувну бур дачИра лирчИсса Аухнал аьрщарайн Лакрал ва Ккуллал районная 27 шяравалу дизан дуван. Мартрал ацИния канний лакрал шархьаву гужрай кьатрава бужкан буллау, ца-кИва зурул мутталай дизан дурну дур 1200 хозияство — 6 азарунничИан бивсса инсантал. Мигу хьунмурчИин бивкИсар ласру аьрай ливчИсса, мюршисса оьрчИашалсса шахьами, кьари-кьужри, дяьвилул инвалидтал. Бачингу бувну бур, ласун шаймур ласияра куну, 3-4 кьатлун ца аьравагу дулуну. Буттал буттахьая ливчИсса, хьунмасса захИмат бивхьуну, чарттая бувсса кьатригу, кьатлу-вусса кьай-кьуй, ризкьи-кьинигу кьариртун, лакрал жямат бавчуссар бахьтга арулва гьантлий ххулийх. Кьабизанну тИий, тарс бацИлай бивкИми, кьатригу ччурччуну, махьми ниьга бусан буван дуснакь бувссар. Бивзун лавгминнал кьатригу, махьунмай зана кьабикИаншиврул, пИакь учин дурну диркун дур. Тай иширттал бардултрал бивсмунийн бувну, ххулийху миннан кьаккавк кьаливчИун бур: ккаши-мякь, дяркьу, марххала, тИюпан. Ккашил ва дьякьил чИявусса халкь ххулийхва литИлай, бири-биривний аьрщараву кИучИ буллау бивкИун бур. Аьравалттай буза биширча бакьа, инсан шьякИансса тагьар кьадирикИун дур. 1944 шинал Цуссалакрал райондалий цИуну дуньяллийн бувксса хьанай бур 54 оьрчИ, ливтИусса тИурча, 693 инсан. 1947-ку шиналнин бизан бувминнава ивкИуну ур сайки 2 азара инсан. ВайначИа ишара аьрай тай шиннардий ливтИусса 600 адаминагу. Цуксса залунсса шавши бивну бур миллатрайн! Район ччаннай дацИан дуллау Цуссалакрал агьалинал бувсса захИматрая буслай бусан кьахьунссар. Ттун хьинну асар хьуна цИанакул Цуссакуллал шяравалил школул директорну зузисса Татьяна Айгуновал танийва «Чилнура ляркьусса ттул буттал минай!» учаву. Лак Цуминалийн бизан баврицун дархИусса хажалат хИакьинусса кьинигу духИлайнма бур миллат. Яла кьурчИ бизлазимирил ххуттай бур Цуссалаккуй яхьанхьиминнал цивппа Ватандакьултру тИутИаву. Укунминнавасса цуппагу бура тИий бур лакрал историк, чичу Дундар ХИажиевлул, тай иширттан хасну «Тахсир бакьанма бувсса танмихИру» тИсса луттирал авторнал душ, Саидат Кьурбанова: «Ттул буттан 11 шин хьуну, Ккуллал шярава бизан

бувминнавух бивкИсар мунал кулпат. Нинугу 8 шин хьусса душ бивкИсар таний, ванил кулпатгу 1-мур ЦувкИрату бизан бувминнавух бивкИсар. Жу гилу, Чачанаву льявхьусса цаппара никру хьуни хьуссару, аьдат хьуссару цИуну дурсса, Цуссалакрал аьрщарай, жун гиччалу «Буттал кИанунугу» хьуссар, цукссава кьурчИинугу мукун учин.

Зунттавурич, жулла бикИлила Ватандалий кьабувну, кьахьуни хьуний, жул дакИрдиву кьатартссар жула ппухьлунал аьрщаракьса ччавугу, мякьгу.

Жуйсса аьй циири? Тай шиннардий цИана кунма машиналий бигьану зунттавун гьан шайсса ишгу бакьая. Масалдаран, на лавгра Ккулувугу, ЦувкИравугу 20 шин хьуну махь, кьачИалай дия кИялу ттун ттула Ватанну, чил кИану кунма чИалай бия.

Жухь чИявуну тИун бикИайва, жулла Ватан зунттавур дусса, жува кИийру льявхьусса, амма мукун дакИнивун ччаву рутан захИматсса иш бивкИун бур, бакИравун бюххан булларчагу мукунсса пикри, мийжанмур Ватан зунттавур дусса тИисса.

Учин ччиссагу мура, ца-кИира никирайгума буцан бан бюхьайсса бивкИун бур цала Ватандалия халкь. Жуяту хьунни Ватандакьулт. На даки мяшнугума бикИара, зунттал кИанттух дазу дакьасса ччаву дусса инсантал чИалай.

Ттун хьинну ххирар жулла Цуссалакрал райондалул агьлу, гьар иширттаву итхьавхьсса, хьхьичИун ливчуссагу бур.

Аммаки, Ватан дакьа личИаврил ва ца аьжайивну язугьсса пар бикИай миннал ярунниву... Лакку кИанугу хьятИа буккавил, лакку мазгу кьабитлатавил дайди хьу миччагур нанисса. ХИакьину Цуминалийсса шяраваллаву, школардаих буккира, нажагь бакьа кьабаянтИиссар зун лакку мазрайсса ихтилат».

Саидатлул лакку маз кьабитлай бур тИисса цуцИаврил шавуй ка дишин, зунттал шяраваллаву хИакьину мура тагьар дур, лакку мазрайсса гьалгьа Лаккуйвагу бакьар учивиявхьа, шавуй ка дишаву кьахьунссарча, ччурччу дикИуйн цИу бичаву хьунссар. МазрацИа хьанай бушиврул масьалагу личИиссар. КуртИ кьахьананну. Зумаритавал барзгу бухувкун, ттун тай шиннардий, гужрай бикИу, хушрай бикИу, бизан бувсса, бизан багьсса ливтИуцири агьалинал аьпа учин ччива. Тайннан кьавкмур макИра кьаккакканнав, циньяву ливтИуцириннал аьпа баннав. ШилчИаввагу тарихраву Ватандакьулт кьахьуннав!

ПатИмат РАМАЗАНОВА

Баян

«Илчилий» бишлашисса барча бавурттал текстру буссар укунсса багьрал лагрулий:

укуннасса барча баву – 400 кь. суратрашалсса барча баву – 500 кь.

Лакрал халкъуннал учаларттава

Авлианал кърхъ ца-ца чГумал дьоблянацагу тти-рихлин кърхуну личайссар.

Авлиянацал кьалмакбал дуллансса кьабукканнав.

Авлиянаца духхаяр, аькь-лукарнан духхин дурну хьин-ссар.

Авлия, гьарая ливхъун, бяикГанттулу ацлайссар.

Авлианал дьоблянайин ав-ляри учайсса.

Авлиянацал бяст байма цува ити.

Анаварсса щин хьхьирийн кьадийссар.

Анаварнан – ссан, ссавур дурнан – ччан.

Арх букканнин бакГяца-раци кГул бува.

Ариу льякьяр, аькьлу лья-кьуну хьинссар.

Ариу дакьарча хъус, хъус аькьлур.

Аькьлукарнал мукъуйну баймур авлиянал закан-туйну байссар.

Адаминал ца лажин, ххар-жандалул кГива чул.

Ариуйннир аькьлулийн умуд биша.

Аькьлу захГматраяр лья-хъусса.

АхГмакьнан кГилийну ба-гьа булун, танмалнан ца даву кГийла дан багвай.

Ахттайннин – ца, ахт-тая махъ – цама.

Ашрапигу чГивиссар би-кГайсса.

Архну насу, сагьну ухьхьу.



«Илчи» – маслихатчи АхъницГунсса маслихатру



дунугу инфекция, кГидуртсса, лабивкГсса зиянчитал.

Бугъансса нувщи хГадур бувара

Нувщи, бугъан куну дукГумур бакГлахъиялия бувкъсса бикГу, машан лавсьсса бикГу, бугълан кГира ножмардул хьхьичГ 18 градусрал гъилишиву дусса кГанай чаннай бивхъуну хьинссар.

Чаннай нувщуву хГасул шай-ссар хлорофилл тГисса загьрусса зат, ва, инсаннан дакъассагу, хьинну заралссар личИ-личГисса бактериярттан. Мунияту жунма букан кьабучГисса загьрусса щюлли нувщи бугъан ялун-магу хьинссар (ссутилла, нув-щи бихлахисса чГумал, кГулну-кьакГулну, чанная цГаннайн буххан буван ка хьирив кьа-ларну щюлли лавгсса нувщи, эькикьабивчуну, бугъан куну букьан бучГиссар).

Щюлли лаган бивхъусса нув-щи гьарца 3-4 гьантлунун ла-ялун баван аьркинссар, гьарцагу чулуха цава-ца кущуй щюлли лаганшиврул.

Щюлли нувщун нигь да-къассар аьршаравусса я бак-териярттая, я кГуллая, я цайми зиянчитурая. Укунсса нувщуй-сса кГурхругу цакуцну ххуйну ххяхлай дачайссар.

Нувщи цивпагу бугълагъий-ни ца кьатГуву ца лагрулулсса бувгьуну хьинссар: мюршими – мюршиминнушал, дянивми – дянивминнушал.

Бугъан нанисса чГумал нувщи луххавух бувккунгу хьинссар (тГама ччурччуну хъусса). Луххал вай чара бакъа аьркинсса калидралгу буччин бувантГиссар, личИ-личГисса азардаягу буру-ччинтГиссар.

**ХГадур бувсар
Бадрижамал АБЛИЕВАЛ**

Дайдихьу №8

Ссуттил кьадурмур дувара утти

Куннил кув кьаритлай, ларгунни ссутту, кГигу. ДуркГунни ччясса инт – ссуттил дуван ка хьирив кьалар-са давуртту дуллансса чГун. Синоптикурал ци тГий бунугу, тГабиаьт дур тГабиаьт, инт цу-кунсса хьувив кьакГулли. Цал-сарив, гьава цалийн багъаннин, гъили хьуннин кьаялугълай, дулланмур чан дакьар.

Щиная заралгу биян бюхъайссар

Щин дакъа аьршарай ца цичГаргу ххяххан дуван кьа-бюхъай. Амма щиная цал-цал бюхъайссар зарал биянгу: агана дугълагъисса аьршарай щин дацГлацГисса (марххала бавсеуну ягу гьарал ларчГун махъ) кГану бухьурча. Аьршаран ва чГаруми ххяххиярттан щин салкьи хъа-нахъаву, ца кГанай хьунмасса хГаллай дарцГуну душиву хьинну заралссар.

Мукунна, агана дугълагъисса аьрши зунххисса, бакГьаларайсса кГанай духьурча, аьршарал яла хьинмур кьат гьарал щинал дяххан кьадуллансса чаран лья-кьуну хьинссар.

Мурхьру кГяла баву

КГинтнил ахирданий, интнил дайдахъулий кГяла бувсса мурхь-ру бурувччуну бикГантГиссар цакуну даххана хъанахъисса гьавалул тагьардануша, дяхтга-сса гъилишиврун кГанай цакуну хьхьурай дукГлакГисса дякьища, кГири бувсса бургъища, заралсса ушу-щулгъилуша.

ДукГувасса кьупру ва кьаркъсса ахъулсса бат дувара

Мурхьирдай, кьатГрай ливчГ-сса дукГувасса пурш лавхъсса кьупру, кьаркъсса ахъулсса дакъа дувара, ччурччуну. Шиву чара бакъа дикГантГиссар цумур-

МАХГАЧКЪАЛА

| Пн | Вт | Ср | Чт | Пт | Сб | Вс |
|-----------------------|----|----|-----|-----|-----|----|
| 18 | 19 | 20 | 21 | 22 | 23 | 24 |
| | | | | | | |
| ДЯРКЪУ-ГЪИЛИШИВУ (С°) | | | | | | |
| +8 | +8 | +6 | +6 | +8 | +7 | +7 |
| +5 | +6 | +5 | +5 | +5 | +5 | +5 |
| МАРЧ (м/с) | | | | | | |
| 3 | 6 | 6 | 4 | 5 | 4 | 3 |
| ГЪАРАЛ(мм) | | | | | | |
| 0 | 0 | 0 | 0,1 | 2,9 | 0,1 | 0 |

Гъавалул тагьар

| Пн | Вт | Ср | Чт | Пт | Сб | Вс |
|-----------------------|-----|-----|-----|-----|-----|-----|
| 18 | 19 | 20 | 21 | 22 | 23 | 24 |
| | | | | | | |
| ДЯРКЪУ-ГЪИЛИШИВУ (С°) | | | | | | |
| +5 | +4 | +4 | +4 | +2 | +4 | +3 |
| -1 | 0 | +1 | -1 | 0 | -2 | -2 |
| МАРЧ (м/с) | | | | | | |
| 4 | 3 | 3 | 3 | 3 | 4 | 6 |
| ГЪАРАЛ(мм) | | | | | | |
| 0,5 | 6,3 | 3,1 | 1,5 | 4,5 | 0,4 | 1,4 |

ГЪУМУЧИ



Газета «Илчи» (Вестник)

Учредитель:
Агентство информации и печати
Республики Дагестан

Хьунама редактор:
Кьардашов Р. Аь.
Тел.: 66-00-59

Хьунама редакторнал хьиривма:
Башаев Р.М.
Тел. 66-00-59

Редколлегия:
Адамов АьбурахГман
МахГаммадович
Аьбуллаев Сапарбаг Аьлиевич
Аьлиев ХГаж Суйлайманович
Исрапилов Артур Анварович
КьурбанмахГаммадов Чанкура Рама-занович
Маммаев Сулайман
НуратГинович
МахГаммадов Юсуп ХГамидович
Хаппалаев Аслан Юсупович
Хасаева Гульшан Рамазановна
ХГажимирзаев Зиябуттин
Абусупиянович
Шалласуев Шалласу Рамазанович
Эльдарова Роза ХГажиевна

Отделлал редактортал:
Аьбуллаева А. П.
Аьдилов ХГ. А.
Рамазанова П. ХГ.
Тахакьаева З. К.

Корреспондентьгал:
АьбурахГманова З. Т.
Аьлиева Б. Д.
Саидова И. А.

Корректор:
АхГмадова А.И.

Кьазитрал компьютерданул цех:
Абакарова К. Н.
ХГажиева З. У.

Кьазитрай дурксса макьаларттаву кГицГ лавгмур тГайлашиврул жаваб дулайссар чивчуманал.
Редакция макьалалул залуннал пикри-лий рязину бакъахьурчагу, макьала рицайссар, жяматрал цаламур пикри бусанссар тГисса ниятрай. Кьазитрайн дуркГисса макьаларттайн рецензия кьа-ччайссар ва ми залуннахъхьун зана кьадайссар.

Кьазит буккайссар ножмардий цал.
Шиний итабакъайссар 52 номер.

Кьазитрал индекс. П7046
Тираж – 2002 экз.

Адрес редакции и издателя:
367018, г. Махачкала,
пр-т Насрутдинова, 1а
e-mail: ilchi@etnomediadag.ru
http://ilchi.info
Тел./факс. 66-00-59

Газета «Илчи» зарегистрирована
Управлением Федеральной службы
по надзору в сфере связи, инфор-
мационных технологий и массовых
коммуникаций по РД.
Рег. ПИ № ТУ 05-00424
от 30.04.2019

Газета «Илчи» отпечатана
в типографии ООО «Издательство
«Лотос».
367018, РД г. Махачкала,
Пр-т Насрутдинова, 1а
Срок подписания в печать 19.00.
Подписано 19.00.
Цена свободная



4 651116 280051